

黎陽王襄敏公全集

行

黎陽王襄敏公集卷之二

巡按四川監察御史天雄赫

瀛登甫

選

四川布政司右叅議堯山王鳳竹允在

校

四川按察司副使郢上周嘉謨明鄉

校

四川提學副使新安曹樓世登

輯

富順縣知縣匡南但貴元仁甫

編

辭

華清宮辭

帝將汰兮樂樂曠名山兮華薄菴誰為子雲中眇殿
閣兮成劉飛燈兮獻轡綉栢兮錯稅蠹壁門兮知砌

承桂柱兮踈皎梅有壇兮椒有苑煥芳蓮兮水澹澹
晞組岫兮晃朗建明珠兮直上照樓兮綠閣瑤壇兮
羽幄大羊兮西清鹿符名兮山容殷復殷兮夷城駕
繚復繚兮女墻下儼龍旌兮鳳蓋悅而明兮忽而暖
與女獵兮河曲金為羈兮玉為勒與女席兮天涯寬
為裳兮羽為衣望夫君兮余思樂不極兮告我以不
歸悵千秋兮若此時不可兮屢得

其二

有美一人兮心所好以被姣服兮織躡英朝與出遊兮
夜忘歸山之樊兮四維百司鈎膺兮陸續五貴般兮相

屬秣驪駒驚寶軸諸姨從之兮而大國屏屏兮象筵
墮珥兮委鈿捐珠珎兮霧散哀於闌氣兮寃延霞冠兮
翠帔整巾幘兮雲之際合衆豔兮儵燭轉清壚兮流
睇歛音兮眇眇芳塵兮縹縹騁秘樂兮天中播鐘虞
兮爽陳龜盤羯鼓填篋高張兮紛絲絲而未下奄四
海兮躡後君之心兮未已邑里後兮朝會遷光歲蕤
兮列紹蟬頤文葆兮負鼎情不憚兮不言陣王坐兮
金鷄錫之帶兮十圍夫人自秉兮美質蹇何為兮爾
疑

其三

浴芳華兮瑤池待夫人未來忽中變兮偃蹇拓九關
兮洞開鬱勃兮駉駉策駿駿兮奔螭捩鉦鼓兮蔽野
戈鋌動兮拂霓操有矛兮吾逐兵接腋兮車接轂帝
順動兮將焉薄屠雲車兮撒豐屋龍轅兮華輶和鑿
兮啾啾擁周衛兮失次旂旗紛兮九旒臣隣兮嬪御
徃攘兮載路鈿扇褕翟魚須笏兮赤纒烏騰駕君兮
透遲憑余怒兮不爽跪美人兮道曲帳羽袖兮襍襪
朝弛鞅兮山阿夕流憇兮江澣折瓊枝兮蕙灌將以
遺兮無所歌冰寫兮悲秋風邑邑兮余愁歛與再兮
日結心騷屑兮頽懷

其四

天兵合兮讐群兇銷氛沴兮奏膚公皇穆穆兮歸來
盍將疑兮層宮秋飈兮颺颺紅實兮離離泯無人兮
跡絕澈紫殿兮金蘇霜露庭兮月皎蟬寒不思兮失
玻璃愴石榴兮激濯芳葩兮儼如昔錦是兮繡鴛思
柔匹兮妍媸溟海阻兮太息魂之來兮秋之夕涕筑
筑兮增悲動所思兮為余翳之解幃袂兮王體謂芬
馨兮可佩佞而衺兮原中遺而履兮行路覽故處兮
猶疑行丹楹兮延佇

其五

秣余馬兮脂余車歲二月兮西南徂登朝元兮騁望
典發忽羨兮愁予龍垆兮壘壘清川兮瀰瀰浮綠樹
兮中天非雲非烟兮眇如薺蔚豐壤兮氣冲融疇隴
靜芳兮卉明灼袷服兮雅艷發組繪兮鮮榮祥光兮
繞繚虹霓迴氛兮海收潦軼咳語兮曾窺薄飛柰兮
下眺撫華清之巨巖兮孰轉踵而失之望秦陵之坡
陀兮卷鬱鬱而蔽之驪之山兮畢之原丘壘曼兮艸
芊芊諒前世之俱盡余又悲兮有唐

乾鵲詞

緊飛駁兮容之遂之得氣之先兮如蒼如龜唯靈而

通兮吾固爾諮彼儉姣兮道愿甫嬉爾何喑喑兮冒
詬詭隨隨夷窮獨兮噤焉背馳誰掣其肘兮靡然從
伊知將來之多風兮巢於下枝童子探其卵兮云胡
不知今而後兮語默其庸思母以鵲為媒兮母巢母
鵲母信雄鵲之佻巧兮母黨鷓斯有鷓兩鷓兮文采
陸離願呈厥瑞兮恐群鳥之見疑天生聖明兮爾擯
介其來儀羗一鳴以宣仁化兮陶四海之雍熙陰消
道長兮寔維其詩爾言還兮亦孔之宜吾書信義兮
爰好其詞匪橋之誕兮匪石之奇婉美關雎兮周南
之詩裨治道兮復奚益仁為緬懷君子兮念茲在茲修

詞立誠兮德業所基可以人而不如鳥兮是歲是規

春山詞

春山兮青青帳雲深兮路不可行
眇眇兮誰語悠悠兮我情獨徘徊
而佇望兮杳不知其所盟
忽收歌兮山麓隔長烟兮應空谷
草凄迷兮漫綠花落兮水流
鳥鳴兮樹幽將奈何兮老景懷歸去兮故丘

放鷹臺

妖狐狡兔兮賦荒臺秋風秋草兮鷹不來
我思古人兮安在哉

挽宋繡衣母

前有母兮子未壯而先亡
永懷劬勞兮子既立而亦故
永懷鞠育兮慕子之思親
兮心悠悠一日不思兮何以解憂
介山之石兮有時裂子之思兮無時歇
膠河之水兮有時竭子之思兮無時絕
子登栢府兮有聲母受天恩兮有榮子之孝思
兮如此母雖千古兮不死

送宋君惟遠漕運回京

前年九月送君行漢上滿船飲月明
今年黃葉鬧秋對又向溪頭送君去
公賢勞三事促嚴程溪水茫茫留不住
留不住兮可奈何勸君且飲金叵羅
醉來拍手

聽我歌我歌豈為離情多六夫筆頭一寸鐵等閑要
補青天缺撐腸拄腹五十卷不作商霖非俊傑君司
出納才有餘飽矣其能代簿書已見經綸漕運米尚
期飛輓足追諸君聞我言忽長嘯再拜願安承此教
斜陽倒影暮雲紫萬里西風震槽斗

謁岳王祠

自分林泉人此腰文不折今謂岳王祠下拜非諂悅
一拜孝義之堂堂再拜精忠之烈烈三拜文武之全
才四拜古今之豪傑為金虜之仇必可復中原之恥
必可雪朱仙鎮已逼東京十二金牌和議決乏糧不

進莫須有國體已無公道絕吁哉五國海天遙二帝
游魂向誰說我有一管筆利似龍泉鉄可以剗檜之
心截檜之舌斫檜之頭剗檜之血萬侯高負勢欺君
固當粉其骨張俊之杜賢嫉能亦安能逃其責我詩
雖非溫厚辭不平之氣聊以泄風清月白酒酣時擊
碎唾壺歌一闋食君之祿而不流涕者是無為臣之
節後來文山似武穆臨敵制勝之機識時務者自能
品其優劣檜之大奸直流至賈似道萬里厓山宋家
滅

步太虛詞次襄國韻

八極隘神遊步虜凌倒景南山如一拳東海如一井
紛紛世上人土偶與桃梗我不學顏愚我不學賜頽
去兮不可留來兮不用請入火亦不熱入水亦不冷
也服勾漏沙也嚼瑤池符也飲紫霞杯也啖紅綾餅
容止也不拘衣冠也不整嬉笑也不嗔怒罵也不屏
酒醒三十年蓬萊漏聲未

烏夜啼

烏啼烏寂哀烏啼夜偏苦寒林返哺私空巢足淒楚
俯懷悠悠兮孝子心親不待養兮哀情深仰天踈泣
兮血泪滿襟如烏之啼兮托聲於琴琴不可聽兮哀
不可禁聽此不哀兮不如此禽

知音難

我有琴兮伊誰賞音世無鍾期兮寔傷我心我有劍
兮誰其識者我心孔悲世無歐冶我琴寡寡兮興趣
闌我劍落落兮神彩寒尾金鳴兮衆聽是權鉛刀利
兮群議所安絕我之絃兮不彈歛我之鏑兮不看悠
悠長歌兮永懷夫知音之難

洮湄四景

登斯樓兮優游有書可讀兮何愁兩山環拱兮雲歛
雨收空翠濕衣兮如水之流塵飛不到兮清絕我思

古人兮鄴侯

右書樓環翠

登斯閣兮四顧佳趣滿前兮詩庫知音不來兮吾誰
與歸明月清風兮相看如故獨坐長吟兮與懷我思
古人兮老杜

右詩閣獨眺

伊東園兮三逕中有草亭兮幽靜寤達聽命兮人以
天定行樂及時兮地以人勝飲酒賦詩兮自違我思
古人兮陶令

右東園草亭

伊逝者兮如斯何曲折兮清音流觴勸客兮酒到莫
辭天開圖書兮安可無詩韻亭墨妙兮難再我思古
人兮羲之

右曲水流觴

送吳司訓父還桂林

昨從桂林來今從石城去東風萬里一孤舟江水江
雲留不住留不住可奈何勸君滿飲金叵羅酒酣耳
熱聽我歌乃歌之曰父薄宦情兮高蹈子分師席兮
善教父子久不相見兮時以書報既見而樂兮如夢
忽覺云胡又別兮父子相告子願養親兮功名奚足

道父云顯親兮口體奚足較父如是兮訓之忠子如是兮心之孝忠孝人之大本兮豈獨吾儒之所好當杏花之零落兮言還許荔子之丹兮可到老我亦思故鄉兮未歸君再與之會否兮誰料聊歌此以送君兮攬明月而長嘯

穀城八奇為段大尹賦 八首

初通商賈

山城僻遠兮無商賈交易不通兮道途苦我侯下車兮破天荒滿市謳歌兮喜欲舞觀風采此兮第一奇但願黃金兮價如土

築城捍患

寇盜之來兮不可必居無城郭兮守無術我侯下車兮版築興庶民子來兮功告畢觀風采此兮第二奇堅完如金兮安用漆

化盜為農

民窮為盜兮徭役威醫瘡剗却兮心頭肉我侯下車兮威惠行賣刀與劍兮買黃犢觀風采此兮第三奇禾黍芄芃兮春雨足

教民農桑

惟善養民兮古循吏不知務本兮非善治我侯下車

兮首農桑三時不奪兮蠶事備觀風采此兮第四奇
衣食飽暖兮利其利

作興學校

人能率性兮之謂道能修其道兮之謂教我侯下車
兮禮義興絃誦洋洋兮在學校觀風采此兮第五奇
民知所向兮忠與孝

代民輸租

吏來催租兮貧無穀一家父子兮相聚哭我侯下車
兮于處深惠而不費兮公務足觀風采此兮第六奇
愷悌君子兮民之福

虎狼道迹

狼貪虎噬兮聚群隄白晝縱橫兮民患久矣我侯下車
兮信義孚若有神明兮驅之走觀風采此兮第七奇
化格猛獸兮應不偶

祈雨有感

旱魃為虐兮民心苦苗而不秀兮華不吐我侯下車
兮禱于神一誠感通兮沛然雨觀風采此兮第八奇
早以藉良兮達

明主

傳

麴生傳

麴生者長安醴泉人昔黃帝會王母於嵩山有壽光者即生始祖也二世祖用和與米大夫江先生結為死生交又得曹尚書胡平章賈中丞附會之遂因儀狄而見禹惡其太柔美日漫疎遠傳六世至廣陽君獲寵於成王周公恐王沉湎作誥進以戒及孫文太受教於杜康仕為青州從事進見孔子孔子見納終不及亂其後子孫繁衍流漫天下皆好延賓客漢司馬相如貧時賴以資給歷唐有允通者強橫不律弑

李白於江中延五十世而至生生之光易姓為白名
汝王雖有火性見人極親熱以征伐有功封平胡將
軍人見之氣燄可畏生名曰通號長春居士其為人
和顏悅色處已在清濁之間與人交能洞見人肺腑
有通變才見君子則帖然敬服遇小人即顛倒佐使
惡言穢行無所不至自天子以至於公卿大夫士農
工商自中國以及四夷八蠻皆樂與生交獨釋道外
若相忤其中倍加親愛同州人孔方兄慕生崇尚禮
讓舍己以從然生性亦不常或傷於放浪人亦海涵
或過於措置人則蹙額時或醇正典雅人斯無間言

矣太史公常舉越西施晉石崇楚項羽與生較量功
罪以生為功之首罪之魁嗚呼生果何如人哉有事
而竊成敗之權無位而專生殺之柄賢者好之愚者
不惡富貴者好之貧賤者不惡生果何如人哉其鄉
愿之流與黎陽王越素惡生者自識荆後喜生風味
可人不覺淪於肌膚浹於骨髓第恐浸潤不已適足
敗事請以絕交生喞然曰汝憂我解之汝寒我衛之
汝怯我壯之汝病我料理之汝困苦我扶持之汝若
嗔怒我即退避何負於汝汝絕我耶某聞其言良久
再拜曰子之言是矣誠不敢拒絕而今而後但當其

交也以道其接也以禮

臨澆分司多壁蟲盛夏夜不安寢為文以罵之
其辭曰

維爾蟲之種類至不一也在狗類蠅在牛豕類蟥在
人處緇而緇處白而白者其么若蟻不知又有爾類
嗜腹而輕身纖足而勁嘴或青或紺或黃或紫白晝
潛藏昏黑全起脫走如珠狙刺如矢使人脇不得以
帖席朕不得以曲几追蹤捕瘵若亡若存遁景朽空
滅跡密紋湯沐所不能攻掌指所不得捫但見肉班
鱗其成瘵膚室粟其生龜音親怒床几而欲剖避衾褥

而欲焚嗚呼爾蟲乎蜂則有蠆兮蜂可祛蝎則有螫
兮蝎可誅嗟爾么類孰能屠騰蛇神兮殆即且即且
校兮制蝨蛛嗟爾么類又誰去嗟大化之好生恐一
物之弗紓胡爾惡之兼毓為吾人之毒荼飽膏血之
毒嘴資肥脂之臭軀吾將上告司造殄爾類非無辜
也辭畢是夜夢有被玄袞裘絳腹而至者若有辭曰
吾即見罵爾文者辭義既嚴敢不退避然吾小毒小
臭耳亦知世有大毒大臭者乎奸法竊防妨化圯政
剥人及膚殘人至命闕若豺虎惡甚泉獍此非大毒
大臭者乎為國之病而執法不屏其或分民曲直任

國是非義無避位仁不讓師則丹書是絳皂積見遺
彼大毒大臭又何憚而不為除乎且吾起使適即消
息乘機白露灑空勁風吹衣蟬蛻而莫知予之所歸
子試絜夫大毒者毒無已時大臭者臭無窮期孰為
可詈不詈乎子不窮南山之竹以為辭而詈予瑣瓚
不已戲乎於是余乃增憤加悒涕泗不支霍然而覺
不知虱之所之

記

登泰山記

洞天福地之寓於人間者皆九州之奧區幽邃峻絕
必梯危繼險履其不測而後始得闢其勝地若海外
之十洲三島腹裏之武當泰山是已泰山在泰安州
界齊魯間是為東嶽以位居東方萬物發生之始為
五岳之長故又稱岱宗杜甫謂岱宗復何如齊魯青
未了是已子家濬濬古衛屬邑與魯為唇齒邦自少
慕泰山之勝嘗欲登絕頂覽八極以快心目竟妨于
舉子業景泰辛未廁居甲科獲從內翰許先生遊先

生世家魯寧陽去泰山僅百里嘗語人及登泰山詩予陡然興懷恨不贊一詞其間天順丁丑先生致政歸鄉歲庚辰予亦叨拜山東按察使心口私語泰山之登可與先生卜矣及視事百務叢脞又不果行明年繡衣康公來按山東適泰山仁安殿成約予徃拜且謀期先生同登泰山予聞之一劃然笑平生願也負弓矢而前驅何敢辭時秋九月十七也即日遣人白先生次日向曙予與康公就道暮抵石都寨有老僧迎拜道左懇乞東入靈巖寺宿明發行三十里州中馳報先生已至予二人據鞍色喜及晡抵州會先生於公署康公設酒殺歡飲二鼓方寢十九日賞詣仁安殿拜祈嶽神以康福吾民然殿在山下瞻拜之餘日色近午山高四十里度不能徃返遂止二十日先生凌晨預出州北門駐后土廟候予二人至下馬作禮州主李琦又具小轎轎皆無足若江南所謂籃輿者取便於山行也廟背半里許即升元觀稍東遂入山石逕狹小曲曲如蛇蚓五里經高老橋橋下水石相激撞作激湃聲使人神思蕭爽北上三里懸崖一石洞洞口有泉飛流其下狀若垂簾似非人境又北二里有岩塊削若棚州人相傳為嶽神牧馬處後

倪進五六里道左有蛇仙巖可容數人元翰林學士
王從之與客飲岩中而卒因名岩轉東北四里為回
馬嶺嶺上草木陰翳石磴陡峻乘馬者不復能上過
嶺一里舊有大松五株即始皇東封時風雨暴至避
樹下封五大夫者今止存其一樹枝虬屈與衆木特
異附根有石其平若掌憩息少頃乃行歷黃峴嶺山
益高樹益老路益險狹山勢益怪惡可畏俗呼為黃
泉嶺循嶺泉下徐度三坡頗覺夷曠行者得以蘇息
因名快活三其北兩山相頷狀若吞吐人從隙中穿
出是為小龍口由此而北勢若小龍口而險阻過之

寧陽予與康公同還濟南於乎大凡喜遊事苟留意
焉皆足以喪人志泰山之登嬉也不幾於喪志乎因
作記以自儆俾覽者亦知所儆云

開州鄉賢祠記

開州古澶淵地廣民衆不良有司不易治江東胡公
希宋以明進士牧於是才而不苛明而善斷化行既
久百廢俱興乃考諸祀典古賢者必祀於鄉所謂
鄉先生鄉人以此薰德善俗州固多賢皆天下士豈
特鄉先生而已此典尚缺伊誰之責因按典誌得自
漢汲黯而下四人我朝紀著而人祠而祀之

丐余言于石以求其圖顧余昔嘗南巡過新鄭拜三
賢祠碑蓋韓魏公作過洛陽拜九賢祠碑蓋王清澗
作今諸賢碑余不知量敢効二公執筆當執鞭也况
諸賢功業學行昭於信史洽於人心余復何言雖然
人以言傳言以文著為有道言言而不文何媿且春
秋無費詞綱目祖之余讀聖賢書豈貴多言哉但錄
其祀事之由與諸賢姓名大書深刻俾後之英俊指
而評之曰某剛正不撓可以勵逢迎取容者某風猷
清肅可以勵庸庸保祿者某端本明經可以勵曲學
阿世者某某忠烈鎮靜可以勵偷生舞文者某某襟
以為登泰山而無詩其不負山之靈乎於是各舉筆
賦詩詩成予憊然自謂泰山靈蹤舉在眉睫之間傍
有道士拱而進曰急著芒鞋數月僅能得其皮膚片
時而心自足小泰山爾試指陳一二以煩清聽泰山
左處徂徠右憑蒿里徂徠即石守道逸隱處絕頂有
紫源池產靈蒲一寸九節下有蒿里祠宇壯麗善惡
苦樂之狀凜有生氣使人敬畏不敢為惡前有天書
觀宋封禪時建之以祀天書觀有社首碑王欽若撰
又有登封臺朝觀壇丈人峯呂仙洞雲雲岩岩二亭
後有昭真岩天仙玉女脩真冲舉之所桃花峪滿林

皆挑春時盛開遙遙數里外香氣觸人豐都峪幽暗
清冷人不可入及仙人牧羊坡王母池龍紋虎伏二
石諸名泉七十餘山之上神氣萬丈不可悉數願自
駕以盡餘興予眺而視之見道士貌古神清亦非世
俗者流蓋將訪以胡安定授書澗孫明復讀書臺遺
址不覺日已西沒從者促之歸頃更月從東山之口
隱隱而上松影滿身清風漸颯行及山下月明中遙
見一老翁鬢眉皓然深衣幅巾執楷木杖携酒殺相
俟怪而問之乃玉地官之尊甫年八十餘矣遂命僕
息肩各三引觴而別仍宿於公署二十一日先生歸
是為大龍口廻視大夫松又十數里口之北連綿七
八里陡若梯峻若坂曲若羊腸步步皆石磴心毛竦
豎常恐仰墜此十八磐也磐盡跨石而入西天門近
門有三清廟廟東三里天仙王女祠祠瓦皆用鐵否
則為風所挾去祠之右土房三四楹數道士居焉祠
左有瑤池水極清冷可濯可漱池後有府君殿殿陰
磨崖萬丈宋真宗封禪碑字大幾盈尺得古隸體漫
為蝸涎苔色所侵蝕間有存者亦剝落不能誌讀自
崖而西西而東約二里先生倦坐石上予與康公直
造絕頂上有秦石表乃始皇登封立為神主摩挲久

之矐目四望眇不知天池之為大俯見山腰樵者星散大如指秬疑白石尋漸移動始知是人絕頂東二里兩峯峭立北為日觀南為月觀日月初出時可以觀見景像與海濤之光彩觀側為東天門門南一峯峭拔層霄迴鴈峯也再南五里左為觀音岩右為捨身崖崖懸探直下莫知幾千萬仞人或捨身於此觀音即救度之浮屠之論也沿崖而西有試心石週圍纒一二尺聳然突出人有跨步炷香石上以著其誠又其西澗上兩石軋接謂之僊人橋險阻不可度至是則力疲目眩清興闌散乃邀先生尋故道歸先生度疑遠問學宏源可以勵浮躁寡聞者某高蹈遠引可以勵奔競者某品裁精允可以勵昏墨者某直道愛民不附時宰可以勵賄常不振者某某氣節凜然涵養有素張皇六察萬折必東進止於禮義之閑又可以勵趨炎附勢者求富貴者一觀感之間賢者知所法不賢者知所戒庶乎片石可語是有補于世教不猶愈於漫作者乎

重建長春觀記

濬之野有山曰浮丘山之北有觀曰長春取仁真人號也志失詳或長春嘗憩息於是而得名也或又曰

長春實未至濟人景仰長春而自名之也邑凡災癘
旱澇皆禱於是禱輒靈應故邑人皆崇之然地近於
山既僻且隘主簿陳君某乃卜城中散地而更新之
經營有方不勞而就中為殿三間前有門翼以兩廊
輪奐之美聖慢之飾如鼓如鞀不豐不儉人皆以為
神祠也既來屬記於予予惟天以一元之氣默運於
四時春而夏夏而秋秋而冬固無一息之停然而春
主發生萬物其風和其氣溫其日麗其情舒故凡物
之大小高下莫不得以陽春之澤而先禪焉四時莫
過於春也故觀不名以夏不名以秋冬而以長春名
觀乎其無時而不春矣然何止乎一觀予方願一邑
之人皆長春也何止乎一邑予方願天下之人皆長
春也又何止乎天下予方願萬世之人皆長春也嗚
呼春在天地天地不自私而真人取之以為號真人
亦不能自私而後人取之以名觀觀不能自私而歸
之於一邑邑不能自私而歸之天下後世天下後世
不能自私而後歸之於天地可見春亦不能自私而
長在於天地間也或曰四時之序功成者退欲其長
春可得乎予曰不然夏不元害夏之春也秋不靈霖
秋之春也冬不亢擊冬之春也方今天下四時順序

萬物皆春而子猶謂不能長春子將和李白之賦而次鄒氏之管乎吾恐子徒知春之春而不知長春之春也又惡知所以名夫觀

內黃縣重修廟學記

學何始始於有虞氏惟國學置官曰塾庠序各求師故三代相因未聞郡縣有學官也郡縣學官何始始於漢詔天下立學官孔子廟何始亦始於漢祀周公為先聖孔子為先師今廟無周公而孔子不名先師何唐去其周公封孔子為文宣王宋加至聖元加大成焉廟必立於學何學所以明孔子之道學校立於

前孔子生於後謂學明孔道何蓋時不同而道同前聖之道非孔子無以傳後聖之道非孔子無以法是前亦孔子之道後亦孔子之道先天地而不見其始後天地而不見其終莫非此道道何在在六經六經何在在七五常五常何在在人心心存之則君臣父子夫婦長幼各率其性斯其人失之則夷狄禽獸罔有倫理非其人故學校不可一日而廢壞者道在也我太祖高皇帝掃清寰宇首重斯文

列聖相承躬祀孔子擇文學以任師儒選俊秀以充弟子提調貢守令考試責憲臣取用為科貢造就賢

才以隆治化學校之功大矣內黃

王畿中原文獻之邦學在縣治東北隅元季毀於兵
洪武初縣丞楊郁爲建規模卑隘繼之修者皆仍舊
貫今百餘年日就頽毀弘治四年辛亥冬張侯來尹
是邑推軾視篆即謁孔廟瞻拜之餘惕然興感此吾
縣令首務是而不修曾釋道之不若遂以改作爲已
任縣丞許君盛田君峻主簿張君禮相成維謹侯即
指已俸白金四十八兩以爲倡邑士大夫各出金帛
數以十計議以教諭蕭君聰詳慎有爲宜董其事訓
導路若漢王君榮洞達事體贊畫之於是登壇相土

樹表定方舍其舊址遷於西南隘者廣之卑者崇之
易材陶甃鳩工十日庶民子來百手合作經始於五
年壬子秋 月 日落成於七年甲寅春 月

日大成殿以間計者五兩廡以楹計者三十六高廣
視昔倍焉又戟門櫺星比昔再倍中鑿泮池以欄以
橋又殿後立明倫堂堂左右立日新時習二齋各減
殿二間增廣號舍如廡之數又會饌有堂觀德有亭
文昌有祠宰牲薦享有廚祭器藏書有庫門豎儒林
官分解宇是皆昔之所無者翬飛壯麗煥然一新奠
獻於斯講習於斯聖道昭明士風丕振蕭君等愈謀

宋圖乃微子言刻石紀侯之功於戲孔子之道猶日月在天譽天地之大褒日月之明匪愚則惑余何言哉若夫侯之功業則有可言者昔柳子作道州文廟碑著薛伯高之勤李構作袁州學記頌祖無擇之美今張侯是舉過於薛祖內黃王畿重於遠道第愧余言蕪陋不足以方柳李昭二後人雖然善言者不以虛文掩實行共學不廢侯之名不泯歌魯侯之詩田蜀守之贊安得天下守令皆侯之賢以茂成王化哉侯名鳳字某江西宜春人學行才識無施不可

跋

白描羅漢渡海圖後跋

白描羅漢渡海圖一卷憑靈柩怪狀入能品然無題識可驗評者為是李伯時作伯時在宋熙寧間登進士第書畫獨步當時畫非臨摹者多不設色每每用澄心堂紙為之是即白描蓋畫之難於白描猶書之難於小楷銀鐵線圈家數亦猶銀鈎鐵畫元人又謂伯時佛像可追吳道子豈多得哉且伯時與東坡善東坡題四菩薩世稱二絕此畫不減四菩薩恨無東坡筆力與之爭光顧披圖三歎昏覽之餘亦幾什襲捲

錦以歸第海門潮湧六通神物凌風化去矣

題陳恕齋桂林書舍卷

桂林書舍余三登矣主人三酌余酒始登則江梅獨
芳再登則牡丹盛開三登則黃菊滿籬而桂林金粟
時亦繁錯卒謝主人曰三飽以德酬樂不淺主人曰
何樂也曰余有真樂樂不在物敢告主人梅我寒似
屈原牡丹富貴似萬石君菊晚節似韓魏公若夫桂
林清高則似唐十八學士轉盼之間余何幸迭與諸
名賢相對暢飲天下顧有此樂邪噫物之興衰靡常
人之聚散不偶不識明年得對諸賢樂此書舍否姑
題卷末以為他日故事至於主人作舍高致具在騷
詠

頌

石城平虜頌

於赫 聖皇邁德虞唐萬國來王繫涼之墟孽胡攸
 居以田以廬粵茲胡酋乃旅逆傳與天為仇桓桓都
 臺蘊經濟才董師西來酋醜我欺我恩序施示煦弗
 疑醜罔悔悛犯我戈鋌士奮醜顛砌鳴其聲膝腥其
 形殺戮縱橫險平酋擒式馳捷音都臺殫心維甫及
 申周詩載陳寔社稷臣振旅獻俘歸功

聖謨

天子曰都臣德我旃亮弼化原

天子萬年

銘

左書銘

安吾之居讀吾之書六經之言至言無私至味有餘
古今軌範天地襟裾源泉既達茅塞可除心廣體胖
其樂何如曾也以魯顏也若愚吾雖不敏敢不勉諸
出此入彼誰之過與慎哉勿惑曰無與虛

右琴銘

正吾之襟鳴吾之琴鳥獸可格鬼神是歌帝舜和德
孔子養心南薰之歌猗蘭之吟伯牙移情鍾期賞音
通於天地達乎古今趣不在絃指何以尋欲聽斯曠

黎陽三才集卷之二
欲言斯瘡妙在自得其樂也深慎勿他感鄭聲之淫

誌

故陝西按察使侯公墓誌

余友侯公世傑端人也今亡矣悲夫其子天民以余知公深乃銘墓石謹不可辭爰用執筆按狀公諱英字世傑裔出晉侯縉之後絲派湮遠莫詳其次自宋元來為開州清河里人世有令隱德迨考諱春字始業儒中永樂辛丑科曾鶴齡榜進士授江西道監察御史以才行擢浙江按察司副使公務北上講疾便道卒于家妣鍾氏五子佐英佑傳俱皆克家英即公資稟純篤才識穎敏早克郡庠弟子員從翰林脩撰

劉仲方先生學授書經為文必以理勝不高浮藻領
景泰丙子鄉薦明春會試不偶入成均大肆學力遂
登天順庚辰王一夔榜進士尋授廣西道監察御史
天順甲申巡視邊關成化丙戌按治陝西歷著聲望
戊子遼東歲荒當道薦公往至則引古十一策酌今
急務從宜賑恤全活者數萬人適上命太監數人
往封高麗國王僕從暴軍民困苦公不畏勢要力陳
不可出使者數條章凡三上遂可其奏遼人德之不
忘旋掌道事屢陳時政詞氣剴切士論以為有古諫
臣風又以年勞從考舊銜贈中議大夫資治尹妣恭
人配謝氏封孺人已丑擢陞四川按察司僉事整飭
建昌行都司兵備禁貪酷撫困窮父老能道其由癸
巳妣卒聞訃哀毀過禮與弟俱廬於墓側不御酒肉
朝夕號泣眼闕尚不忍去有司上其事旌表其門閭
且常戒諸子曰汝祖雖居方位庶無長物吾讀書甘
淡薄汝母親操井臼幸有今日願汝輩毋替先德諸
子受教惟謹男女嫁娶悉依文公家禮又取范公族
會法各族立宗子統率族屬月朔望一會人出錢若
干收濟貧不能婚葬者人出麥若干納諸義倉以備
先塋之祭鄉人是式丙申改江西按察司僉事戊戌

陞本司副使壬寅陞本司按察使巡撫巡按官交章
旌薦陞江西右布政使丙午陞左布政使執法不從
請托如御史按察時以致江西當道者深銜之飛謗
如雨丁未無上事調廣西左布政使弘治庚戌擢都
察院右副都御史奉 命巡撫河南方務舉錯偶以
廣西任內事註誤調西川按察司副使仍理建昌兵
備感疾累乞退休 朝廷勉留卧治甲寅復陞陝西
按察使扶疾便道回家遣子天民奏蒙 命有司調
理痊可取用醫藥罔効是年十二月二日卒於正寢
上距所生庚戌享年六十五歲擇明年乙卯九月七
日塋先塋之次嗚呼公端人也故始終大節如此漢
汲黯寔鄉先達公端正類黯建昌淮陽俱以疾終出
處又相類朱子綱目書以汲黯為淮陽太守以見武
帝忌賢不復召用也他日史官當書中丞疾某卒以
見聖主任賢將復舊物也後先報耀昭示千古彼食
祿而志行不端者聞公之風其亦知少媿哉公初配
謝氏側室金氏繼室王氏俱有懿行六子天民謝出
天工天祿天瑞天節金出天遵王出皆讀書克家女
三長適士人楊統次適鄉貢進士吳厚次適士人陳
上公竝脩婦道余不文誌而銘之銘曰

備之也清廓之也明負之也剛用之也誠幼之所學
壯之所行天能抑其亨不能抑其貞地能埋其形不
能埋其名克配前休以哀以榮彼美端人敬此之銘

明故趙母萬氏墓誌

趙母萬氏卒其子總服衰麻走余所號泣再拜拜已
而言曰吾母進賢右族萬隱君之女閑於內則隱君
擇配故家乃歸先考吾家本宋涪陵公裔有續之緒
之者從高宗南渡遂家進賢至仲禮者寔先高祖考
生曾祖考桂芳桂芳生祖考正已正已生先考諱仁
鴉字秉春別號野耕剛介自持儒而嘉遜祖考沒祇

奉祖妣吾母巽以承志生養致其敬死葬致其哀進
祭盡其誠鄉黨宗族稱孝無間辭語簡重隣不得聞
其聲動止端肅不嘻嘻嗚嗚戚如中度至於中饋織
紉利女之貞夫焉有所吝遭先考喪哀毀幾滅性總
時年踰弱冠母恐墜先聲俾從內翰張先生學學始
就緒遣入郡庠甫二載中咸化丁酉科鄉選春闈登
乙榜授山東滕縣學教諭迎母就祿養任滿奉還故
里總再任直隸大名府濟縣學教諭典廣右文衡便
道迎抵濟闈五載卒于官舍臨終顧謂總曰一力忠
孝無怠毋忽謂婦曰善事夫子又謂諸孫曰明經効

用以光門閭遂絕子三長即總娶侯斌舒氏次鏐娶
市中汪氏次鎰故娶旺溪傅氏女二長配田南熊次
配超崗王孫男八長貞源娶祿奚胡氏次貞灑娶梓
溪夏氏並游縣庠次貞渠皆總之子貞濬娶南昌吳
氏次貞灑皆鏐之子貞瀾貞淮貞泗皆鎰之子孫女
二貞潔總之女貞淑鎰之女俱幼在室曾孫二義楫
義權皆貞源之子吾母生大明永樂乙未年十二月
十九日歿于弘治甲寅年十月十一日壽八十茲歸
合葬先考之墓窮風水之聲無以塞其悲廢蓼莪之
什無以終其慕願銘墓石以求其圖言訖又泣而拜

然總字廷用有學行雅善於余銘何可靳嗚呼趙母
可銘也已而德而言而功而容婦德咸備而尤重孝
敬可銘而父而夫而子而孫親屬皆賢而安享福壽
可銘惟其可銘是以銘其銘否則諛而已余不佞何
敢犯劉義之譏銘曰

壽而困窮天益其憂福而夫折天損其休於惟趙母
福壽咸備天道無私德之所致伊德何先曰孝與敬
子貴孫賢德之餘慶銘刻于石形歸于土德不可埋
光昭千古

明故姑蘇天全蔣公墓誌銘

天全蔣公卒其子純丐余銘墓中之石夷考其行儒
丈夫也謹當執筆公諱紱字洪章號學章其先出周
公子伯齡之裔本支蔓延莫詳其次世居蘇之常熟
近自曾大父恭安生伯仁伯仁生玉輝玉輝配許氏
生六子公行二玉輝始教習舉子業公副明俊偉嘗
自謂曰范文正公吾鄉先達心註六經志存憂樂吾
敬之慕之乃所願學也是以刻苦讀書似文正南都
晝夜講誦時領鄉薦中天順元年一甲進士作祥符
八年登第時選授陝西道監察御史似除右司諫時
尋遭忌害出知河南光山縣似出知睦州時何其相
似邪已而丁內艱起任江西之吉水政尚公直令行
民愛而不便於豪勢竟以此罷歸而文王歷履中外
晚參大政又何不相似邪既歸不屑趨世利恬然自
處口不談國政足不入公府復號無礙天全以自適
有矩度日積月蓄量入為出用致饒裕主中饋佐蒸
嘗需賓客調族黨門庭之內熙熙穆穆此其可書也
先是母初歸時憲之父守中母張氏具慶兄嫂亦偕
安寧母養舅姑在敬與愛不獨口體事伯嫂雍肅無
違內外稱無間言如是者十五年舅歿又九年姑歿
哀極禮備又三越月夫憲亦歿毀幾滅性大事既襄

喪期奄盡時文淵年十五命就學外戚有欲廢之者
母厲聲曰光大門閭顯揚宗祖無踰讀書吾兒有志
何以廢為學如故諸兄弟姊妹婚嫁既完各從職業
是以文淵得肆力經書中成化庚子科鄉舉登弘治
癸丑進士任大名府濬縣知縣剛明果斷事輯民安
牧民中第一流人物以其又可書也子四人女五人
孫男九人孫女七人子長文清配王氏生孫男樂榮
析朴機祿孫女姐又姐次即文淵配吳氏孫男槩柱
孫女攀次文潔配王氏生男采孫女小攀媯次文澤
配王氏生孫女又攀女長遠州人蘇振子仲祿次遠

高文晟子暢次適吳思明子暢次遠縣簿郭授子汝
弼次遠吳仲彪賜皆文獻故家子孫英發淑秀森如
玉立是又可書也文澤今為州學廩膳生明達舉業
妙選不卜可期文淵他日何施不可母之

恩封何所不至是又可書也嗚呼母壽矣而不償德
榮矣而不待 封造化乘除果有意乎哉母生於宣
德四年己酉十一月初三日酉時卒於弘治九年五
月二十六日午時享年六十有八擇以是年八月初
十日合葬夫君之墓禮也銘曰
禮重內則人道攸同維敬斯孝維順乃恭壽不滿德

實不待封前之所畜後之所豐亡者雖終存者方隆
麟之趾兮榮顯無窮我書銘詞刻諸幽宮

質菴土先生墓誌銘

紀實者無溢美傳後者無費詞六經而下任在良史
筆今之誌銘蓋一人之史雖昌黎不免劉义之概甚
矣銘之難也質菴先生卒其子震衰跣哭而造余曰
知吾父者莫公若墓中銘微公何厲言已又哭然前
此二年先生命余作生誌銘余不忍為因循至於今
斯言未復且余少與先生同窗赴選同寢處憂護周
至雖心其所難何可不銘按狀先生姓王氏諱述字

希古質菴其號也世為瀋人僑居邑之新鎮其先本
出於大原春秋時王子成父有功賜姓厯魏晉涉隋
唐迄於宋元本支豐隸大父以上世有令人父志學
甫以信義見重鄉邦母楊氏生三子先生居長賦性
剛直剛正而近仁直正而好義事有不為為則必歸
於正故事親在色在志不徒口體處同氣在怡樂處
訓在嚴是正於家道也早蒞儒學生講讀務窮理善
楷書同輩敬服後進宗仰掌教者嘗以陰私劫同寅
事覺先生正色曰辱教化非美事彼寧無詞邪遂寢
是正於學校也出仕紹興之山陰丞以廉能著聲時

曹娥江湮塞太守彭公推委董治闔八邑夫餘四萬
有猾掾重斂以賂覲寬限恣撻尅先生正其罪以示
衆不五日工告完是正於官司也未幾以親老故謝
政歸道經揚子江颶風大作檣楫摧敗舟人惶駭莫
措先生危坐舟中誦古人平生仗忠義而無言若
颶蕩十餘里得抵焦山老衲勸慰之陰德所濟後必
昌是正以俟命也中途聞父訃音訕而獲歸三君子
與孫以毀不滅性進勸三日乃飲酒而歸高乘益華
一遵於禮是正以慎終也至於里之有醜酒謾罵鴟張
攘奪者先生筆誅口伐甚於斧越亦無敢然怒即

戢而止柔懦負屈力為申拔牙角紛爭片言折服是
正以善俗也尤重交道賢雖貧賤永為深契不賢雖
貴要以禮謝絕是正以取友也自宗族以及閭巷窮
無依困不振者調恤有差裨各遂生養好畜佳品濟
人當疫厲大行以梨啖之全活甚衆是正以博愛也
歲荒積穀者乘時取數倍利先生平其直麥歲缺種
粟利者如前先生減其半是正以平施也商賈易多
直白金三十六既去先生知其誤令追送還行客暮
投館宿早發遺一囊家人得之先生驗封如故亦令
還之是正以無苟得也里無私塾先生為主學延師

教親疎子弟隨其材器各有造就見溱洧二孫穎敏
遣詣河南從師儒授經講學歸就邑庠克承子員家
去邑二舍許先生恐自縱荒惰命老妻隨處日視飲
食夜繼膏燭由是功倍業精溱以易中成化丁酉科
鄉試洧以易中癸卯科登丁未進士拜刑科給事中
推恩封父如其官母贈孺人溱亦授吏部司務俱
以王事便道歸省錦彩輝煌拜舞稱壽人生至榮
至樂聚於一室寵光之來未有涇溪是又貽厥孫謀
之正也晚年築圃周植四時花木結軒於其中和陶
誦屈時或種瓜摘蔬優游自遣子孫以為勞先生以

為真樂是又觀頤自養之正也偶嬰微疾子震白迎
醫曰死生有命醫何為疾革屬震及諸孫汝輩慎行
好事勿墜先德且遺語溱洧一力盡忠語訖卒於正
寢時弘治十年六月初十日也上距所生永樂六年
戊子十一月初六日得壽九十歲配葛氏閑於起家
克主祭養卒繼娶張氏即助孫勤學者晚春先生寢
食動息必親必謹子一即震孫五人長泳散官次即
溱洧次瀾次濟儒學生曾孫八人桐儒學生次松梓
楫梅楷朴暨曾女四人采薇采蘋福佑福保俱幼擇
以是年十二月十七日合葬先塋之次禮也嗚呼先

生負正氣存正心由正道匪別於仁即直於義視不正者可炊而僥天地間一正人君子也是以在人之德不可必盡者先生盡之在天之福不可必得者先生得之開無窮之慶垂不死之名始終全美俯仰無愧九泉有知尚歆斯石銘曰
盡人之天得天之天胡為乎然胡為乎不然維德罔愆而福乃全永昌厥後有開必先可死者形闕諸幽泉不死者銘聿千萬年

賦

舜韶遺響賦

粵成化二十年歲在執徐客有謁余者手持一軸展而視之光彩射日神遊高明氣拔流俗是蓋天潢粹兔穎之竒鋒星斗燦鸞池之美王子何為而得此哉客曰少無所事惟琴是嗜偶得其端穆承厥賜噫予亦嗜此學而未能予為子彈予為子聽客乃焚香致琴于几凝神端居然後入指初眇眇兮舜宮徐矯矯兮縱橫牛鳴釜中兮重濁雉登木杪兮輕清既斷而復續絕無而僅有寓至味於太羹擅醇風於酒聲中

之意意外之聲意盡聲止續如以成少焉客起長揖
請問其故樂何古今人何好惡嗟予不博弄琴五絃
南風援歌和氣允宣上博軒轅下談文武會之者稀
寥寥可數師襄不生兮魯叟誰師鍾期既沒兮伯牙
誰知淵明適趣兮自樂叔夜感時兮獨悲此古聖賢
所以難匹而寡和也至若秦箏載鳴燕姬既舞酒酣
耳熱揮金如土又若花奴解織羯鼓聒天樂極洋洋
九竅灑然斯時也誰復知有琴哉此今之世俗長生
而不返也雖然妙理難言奇物不偶穹壤之間豈獨
琴耶梅疎澹兮桃李香蘭幽獨兮枳棘芳鳳翔寥廓
兮麀遊乎大荒鷄鳴四亟谷兮犬吠乎山莊貴燕石兮
賤荆玉利鉛刀兮森示干將羅珞羞兮薄菽粟之味衣
錦綉兮鄙布帛之裳人情反覆世態淡涼規盈矩滯
尺短寸長引伸觸長心寔孔傷客聞余論亦太息而
徬徨盡以無窮之思付造化之茫茫醉而已矣乎好
今者非好古好古者非好今毋以天下之好廢天下
之耳毋以天下之耳絕天下之心姑括囊以藏器時
容語以待夫知音

弔岳武穆廟賦

在州北拱辰門外

悵夫君之侘祭兮覽遺廟之荒涼重徙履以徘徊兮

心憑噫而徬徨
艾蘭之芬芳兮
墜余誠之如在嗟中
道而返兮
衆妬之以脩能
當宋轍窘步兮
志茱茱而
攘詢雖九死
其未悔兮
固君子之所厚
剗崔嵬以切
雲兮
從長劍之縱橫
挾孤矢以射天狼
兮
窮廣漠以
肆行
夫何靈修之不悟兮
貴隴簾而棄死
媿謂夷隨
溷濁兮
唯跼蹐之是求
雜鳴梟與鳩
晨兮
胡群之雀豐
豐信雜鳩之佻巧兮
詒鳳鳥於鶉籠
治翕翅以怛絕
兮
謂偃蹇其猶迴
翔廓精志以揚
靈兮
凌迭懼之明
光
曼余目以下節兮
編愁膺以噉詞
願後車之戒兮
涕淫淫而增悲

東園集事

園中小結三間
屋壁上聊題數句詩
萬物眼前皆可
愛
四時佳趣有誰知
我愛春春意好
山嘴吐晴烟
塙頭戴芳草
黃鸝罵杏花
慈母遊蜂惱
海棠零亂牡丹
愁却恐韶光容易老
我愛夏晝長
戰棊聲碎羅
翻扇影涼南薰賣
奇貨滿籃
菱荷香蟬在綠陰
深處
鬧幾曾回首
顧螿螂我愛秋
秋思苦寒菊憶陶潛
征鴻叫蘇武
紅葉落將來
無風自家舞
匆匆社燕報歸期
舊巢留著明年補
我愛冬冬日閑烹
茶融雪水倚
仗看冰山
莫唱遊衣曲
將軍夜過關
薄暮老想
看畫

處肩挑一擔凍雲還美我四時之景也而可以不飲
乎朝五斗暮百壺醉便卧醒又沽傍人笑我好飲酒
顧我豈是真酒徒我也不荷劉伶神我也不蹈黃公
壚我也不是奇男子我也不是淺丈夫我也曾演六
花與八陣我也曾講一典與三謨我也中掌西臺之
憲度我也曾摠北府之兵符用之無善於天下舍之
固守於窮途聖賢之道固如此不義富貴安可誣偶
然吟罷忽長嘯明月滿庭清興孤

水清賦

敦牂之歲攝提在阯春明景適萬物暢休余方縱步

騁懷於蘭臺之西楚望之南興盡而返憇于慎菴慎
菴主人延之上坐時出水清二字狀如斗大曰吾家
之奇貨余不能盡而識規矩類王黃華之放逸李雪
菴之蒼古徐視其篆乃蓬萊宮中之筆虎噫嘻水清
之書也有心乎哉請為水詭蓋水之為物鑿堅冲冲
履薄兢兢投葦以濟築沙以城綴簷象簪雨木為介
陵臺之并六月靡融大凝之壑千年罔敗魚上應候
抓聽多疑入春勿涉禦敵當椎良匠不能琢兮無其
質夏蟲不可語兮篤于時消湯兮著釋氏之典題柱
兮賞劉叉之詩既困兮得熱之方曷尋兮挾炭之子

令狐之夢兮可占國忠之山兮莫倚誦坤卦之辭兮
初六爻考海州之誌兮二百里陶泓械口兮松滋戾
將柰何毛穎結舌兮楮先生且休矣或飲或玩以頌
以藏譎言王霸孝感王祥愛刺史兮甘同士卒慨伐
家兮厚畜牛羊東豮覆兮蠶成五色之異北鼠食兮
毛生百夫之長此冰也而非冰之清若夫瑩然之光
肅然之色凜然之風粹然之德大巧之精重陰之真
含胎青女奪魄紫瓊豐陰剪銀河之水以洗其髓馮
夷灑蛟室之泪以傳其神醒麴生之夢釀橘叟之塵
此冰之清也而非主人之清粵主人兮思緒春容詞

鋒俊雅折桂攀蟾探花走馬膺三刀之寄荷五品之
榮塞撲滿之慾絕孔方之情除狼貪之弊息崔角之
爭壯常嗣立之舉馳陳彭牛之聲委蛇退私瞻彼屋
漏周鼎熏香湯盤澡垢栗樽具左圖史置右雲鎖窓
寒簾拖竹瘦飛談捲奎鋒之輝勝氣籠衡湘之秀阿
閣威儀澀澀步驟杜陵詩業折龍泉霜影之寒陸羽
茶經啣仙掌踏華之嗽是則主人之清也然主人不
清其清而冰清之冰不清其清而主人清之冰其主
人乎主人其冰乎余不可得而知問諸主人主人亦
莫知其所為相顧大笑且酌且嬉酒酣作賦媿無好

詞主人謂誰古郢太守駱君蘊良斯文畏友

隆中十景賦

征車彭彭離思傍傍將適古郢道出襄陽余有狎客
遨遊四方不相聞者二十餘年乃邂逅於是邦稅余
之駕相與行樂臨習池登峴首會萬象以容與攬八
極以徜徉少焉揚袂引領以示余曰子見西北之形
勝乎而蒼蒼而茫茫而頽而頽而低而昂是謂隆中
孔明高卧之鄉人雖云亡物固無恙予不我充請語
其詳彼規模間雅宏遠氣欬靈長識時務之館舍屈
帝胄之門墻三顧堂也神剡鬼甃泉冽土香通九仞

之麻漚一鏡之光六角井也連連綿綿似烟非煙排
闥而入隱几而眠野雲庵也皓皓娟娟上絃下絃孕
形於地分派於天半月溪也老龍之洞藏珠垂涎小
虹之橋任重濟川抱膝之石如掌平雨漫漫兮苔蘚
生古栢之亭若畫清風瀟瀟兮猿鶴驚曰躬耕兮嘉
遯以逝其名曰梁甫兮豪吟以放其情况有仙翁兮
以主其盟瓦礫草木兮皆吐氣而向荣子號善鳴豈
為之品評噫客之言則得矣但得其皮木得其髓舍
堂以取益眇棄井以度水庵思樂城之工見溪思流
馬之技見洞思劔閣之闕深見橋思斜谷之遙遽若

夫敗軍正馬設之誅亂政示虜立之徙開門伏旗鼓
之疑挑戰遺中懼之恥或也田于渭濱或平蠻于越
嵩或臨陣而揮羽扇或對敵而蕭營壘既而大星墜
仲達走五十四年之壽二十四篇之紀百姓巷哭戎
夷道祀果石邪抑耕與吟邪余莫可得而指是景外
之奇然未盡其美至于出師有表兄符訓命之詞八
陣有圖妙合韜鈴之古故宜伊呂之儔豈特管樂之
比使先生生於三國之前則後有所恃使先生生於
三國之後則前有所倚造化其有意乎先生應時而
起定鼎足於將傾收灰燼於既燬鞠躬盡瘁死而後
已成敗利鈍又何足蔭大丈夫所學蓋當如此退而
不學先生必為奔競之子進而不學先生必非忠正
之比顧余晚生幸識先生之里覩物思人高山仰止
撫景放歌忠義之士縱未協于楚声似頰公于晉史
嗟呼壽也固謬于理宋之鉅儒奚從而風靡由漢以
還知先生者晦翁一人耳由晦翁以至于今誰復知
已其或有之哉則亦無有乎爾

賜閒堂賦

宋忠獻之苗裔滋世德之嘉貞潔學優之矩度輔宗
室之賢明紉六藝以為珮結五典以為纓馭信義以

為駕導禮樂以為旌鑿直官乎翊蓋申寂樂乎東平
畧邊幅之窘飾露肝鬲之純誠泊歲月之不我與兮
望崦嵫而大息嗟富貴之能滌人兮吁造化而惡盈
湛夜氣以自審兮知止無殆索蔓茅以命占兮維遜
則亨敷衽以陳吾王兮猶眷念其舊德馮雲以懇聖
哲兮乃允孚其衷情釋泰山之負兮歛長裾於顛什
出揚瀾之險兮謝良價於飄零受茲景貺兮匪言可
罄爰構尔堂兮恭致令名名曰賜閒兮庶知恩所從
來也示哇步不敢忘兮歎終身之所盟是以閒酌兮
易醺閒吟兮易成閒坐兮柳定閒眠兮夢清凭闌兮

閒立策仗兮閒行開卷兮閒獵托筆兮閒耕是閒也
有勢者莫能奪有力者莫能爭智者不嫉愚者不憎
無鬼瞰無官評不知天地間有幾閒人哉彼高軒大
纛暖響珍烹窮幸既極禍患已萌尚戀戀然依栖而
未肯休者視先生奚啻逕廷海有朝馬歲歲暮鳥營
營競錐刀之末挾市井之矜賈惟媒怨死而不悔者
先生視之猶螺贏之與螟蛉允此閒與皆上之所賜
向使賜之金玉將以役吾心賜之幣帛將以予吾形
顧安能得此閒乎此賈誼之所以悲傷中絕仲舒之
所以憂遑靡寧也况鳳毛藏雛麟角崢嶸或叅薇垣

之政或蜚揚屋之聲所謂是父是子難弟難兄異日
挽銀河之水以沐南極之靈正恐賜間變而為聚星
矣於戲祖兮而有忠獻孫兮而有先生君之相兮克
全晚節王之相兮克享歸崇畫錦之堂不有以先於
前兮則後何所承賜間之堂不有以振于後兮則前
何所乘是蓋合古今之忠孝兮通一氣之精英嗟余
懷之偃蹇兮悵斯人之莫及擁孤襟以注思兮以挹
夫餘馨

賓竹賦

歲在閏逢月臨大暑薰風時來溽愠頓解余方玩易

北窓之下客有帶索葛衣搜屨席帽不通姓名排闥
枉造顧予長揖莞尔而嘆曰有所疑敢以請教疇昔
謁雲臺老仙羗以賓竹自號靖言思之吾不知其所
好噫天下之物可賓者多矣豈獨竹云乎哉彼芝與
蘭潛括孔光燁燁商領青青楚湘曠達誰擷幽間自
芳四皓養素靈均佩練此草中之逸民高蹈遠隱胡
為而不賓彼梅與菊含貞孕秀味主調羹功能蓋壽
落英可殮暗香宜臭淵明莫逆子真華胄此花中之
高士輕世肆志胡為而不賓彼松與栢歲寒後凋蒼
髯洒雪勝氣籠霄臺鳥翔集遼鶴允巢崔丞坐詠王

子攀號此木中之丈夫守死善道又胡為而不賓余
聞之歛衽而對曰芝蘭草屬其性近柔柔則不立恐
和而流梅菊花屬其性近媚媚則不武恐多疑忌松
栢木屬其性近野野則不文恐非智者皆未足以言
賓試以竹言賓斯可知矣猗歟美哉植物之中乃有
此竹匪草匪花而亦匪木剛而不屈廉而不辱或巨
或細以筴以篋載考厥祖尋源沂流肇於蠡谷循及
帝丘渭川淇澳青城羅浮武夷長沙蒼梧峽州此竹
之產也紅者塗丹班者染涓黃者敲金青者高翠方
若裁而中矩篋若騰而拔萃棘與刺者似同桂與瑞

者實異此

竹之品也為舡為甌為箭為刀為籠為

鐘為箕為箒為竿為杖為笙為簫城防之哈簡書之
勞此竹之器也若夫制箏均氣定律累黍摟鳳以鳴
朝陽化龍而作霖雨全大節於兩間挺孤標於萬古
感通孝子之情孚合忠臣之語此又竹之奇才偉績
也引而伸之其體也虛若顏子屢空雖簞食瓢飲而
樂亦在其中其用也實若史魚秉直沒猶尸諫而愚
不可及遠而望之癯然其形若將晚馬伯夷之清近
而即之溫然其色有斐君子武公之德然既有此西
都之賓不有東道之主可乎是以老仙鞠躬循墻趨

走塞裳出門如見承筐是將列八珍之饌泛九霏之
裳獻有臺之雅答飽德之章一倡一和再酬再酢七
賢司罇六逸洗爵殺核屢陳欣然更酌飲無筭而禮
愈勤飲有餘而威儀自若小浮名於毫芒薄世味於
糟粕至是不知主人賓竹竹賓主人不可得而知也
仰視俯觀明月在山白雲滿地酒闌興盡言前而歸
老仙行且歌曰按歌聲兮鼓腹懷清興兮如王招明
月兮不來侶白雲兮共宿余以語客吐舌而走失其
故步目書於屏以為賓竹賦

義方齋為梁給事賦

我不愛魏公畫錦堂亦不愛晉公午橋莊但愛梁君
之齋大如斗佳名有取於義方吁嗟人生孰無義物
欲所蔽人自亡此義在天為正氣在人為紀綱人能
直養而無害其體至大而至剛可以舍生取不可見
利忘凡事有方乃能立義方之方非尋常釋氏方筌
戒老氏方荒唐異端安足以語義惟吾儒者斯可當
梁君世業儒每以義自強况有賢父兄頃刻敢怠荒
朝焉口孔孟暮焉手鍾王食則見義在於羹坐則見
義在於墻真積力久乃有以自得滔滔下筆俱成章
方今天下安四海康君子道長斯文自眷彼義方齋

胡為乎退藏。朝來直上廣寒殿。咲折一枝丹桂香。三
月長安馬蹄疾。看花醉錫瓊林觴。黃門禁直五雲曉。
花影滿窓清晝長。昨夜錦衣歸故鄉。義方之齋茅茨
瓦礫皆生光。我願君家義方永。無替子孫世世鍾賢
良。崑山之山汾水之水。千古萬古同流芳。何必云燕
山竇十郎。

歌行

插秧歌

嗚呼誰念農夫苦。聊寫區區目前觀。栽秧男婦各為
伍。手挽綠雲猶織組。炎風吹火日當午。水熱泥深沒
雙股。老農愛苗同肺腑。汗血願為苗下雨。促促唱歌
寧有譜。蓼蓼擊碎長腰鼓。今日未了明日補。背已成
病足將腐。滿澆村酒獻童牯。齊向田頭拜田祖。今歲
秋成望多稌。又愁穀賤如土糶。吏敲門。夜騎虎。坐食
之人喜欲舞。嗚呼誰念農夫苦。

酒酣贈海靜之

後

我放歌。君進酒。酒到莫停手。仰寬錦繡腸。小試談天口。一飲二百盃。再飲五六斗。曾中不平氣。散作風雷吼。此是宜誠令。尹海靜之會。在玉皇殿前。走君進酒。聽我歌。等閑莫負金。已羅閑日少。忙日多。古來豪傑俱消磨。百歲光陰一擲梭。人生不飲將如何。

○ 王都閩山水圖

竒哉此畫也。乃鄂渚劉景雲之所作。不知曾次幾許。寬。但見毫端多丘壑。飄然無半點之塵俗。真可馭烟霞。而翔寥廓。我昔登覽蘇門時。風景正如此畫竒。山之尊者如大老。卑者如嬰兒。前者如顧盼。後者如追隨。拖藍擁翠者如螺髻。如蛾眉。至若宛轉掩映者。又如李愿之盤谷。谷中隱隱編茅數椽屋。幽人習靜坐。心齋。却被溪童掃破門。前緣。山中之雲。搏空者如絮。鋪地者如綿。濛濛者如霧。霏霏者如烟。飛來飛去者如醉。亦如顛。山中之樹。查牙如骨。立擁腫如病。盤曲如醉。亦如顛。山中之水。悠悠而遠者如環。之圓。湍湍而往者如帶。之長。湛然而止者如練。之靜。冥然而榮者如鏡。之光。千尺鏡光。收不起。小橋路接壺天裏。琴翁乘興訪知音。山色染青雙履。盡於戲。愛畫本乎情。題詩據乎理。仁

尺鏡光收不起。小橋路接壺天裏。琴翁乘興訪知音。山色染青雙履。盡於戲。愛畫本乎情。題詩據乎理。仁

卷之三 山水圖

者樂夫山智者樂夫水玩物者喪志游藝者居下羞
之於毫釐失之於千里聖賢日用之間契緊為人處
亦曰如斯而已矣

竹木寒鴉圖

古木撐空掛雲影竹敲碎玉霜風冷寒鳥點點亂斜
陽愛殺君家畫中景木老如太公竹清如伯夷鳥能
返哺若曾子是乃人間二絕奇君不見萬物要當關
世教此圖意趣兼忠孝侯門孔雀牡丹花抹紫塗紅
真可笑

寄金臺友人長相思

吁長相思兮朝思望雲山好山多在飛雲間雲山迢
迢路千里美人一去何時還暮思望雲樹樹秒雲來
還復去萬重雲樹香難尋翹首金臺在何處美人別
來今幾時看山看樹長相思長相思可奈何臨風竚
立空長歌我長歌兮風嫋嫋老眼睛空送飛鳥白雪
陽春和者稀高山流水知音少昔與美人常同遊而
今一日不見如三秋車塵馬足我亦慣為客乃知離
愁不及相思愁相思之期幾時滿雲樹雲山都不管
倚欄無語正惆躇忽遣音書寄黃犬為報美人將欲
來寸心便覺相思短

挽李府丞

烏夜啼。愁殺人。燈已昏。啼轉頻。啼落燕山五更月。游
子聞之淚成血。不盡空林返。嗚嗚。嗚嗚。啼到何時歇。
一聲高。一聲低。滿天涼。露風淒淒。愁殺人。烏夜啼。

李在山水圖

小巧武陵水。古拙蓬壺山。造化收拾不了此清氣。何
物老子結屋正在山水之中閒。靜看蒲魚心自遠。浪
花飛。濺蓬門。濕閑情。寫過石屏風。山色滿窓空翠滴。
洞天福地何處著。塵埃十里五里。只長青青苔。忽見
隔溪舟。蕩鏡光。碎定應。酒客棊仙來。白雲斫斷西岩
口。古寺凌雲逼星斗。夕陽影裡隱隱僧。遠歸恰如沙
際雨。鷗走掛碧漁。繒尚未收。前村時聽晚春幽。陰森
老樹半黃葉。商飈又送江南秋。李在臺端有神妙。潛
移勝境供詩料。可惜奇奇。惟惟。最高峯上頭。欠我披
雲一聲嘯。

漢江別意圖送駱蘊澤東歸

真宰妙化梳。生才本非偶。一家頗有兩玉人。筆底文
章爛星斗。兄作郡。弟業儒。弟來省。兄將何如。兄曰爾
當勤讀書。學曾之魯顏之愚。弟曰愛民當如子。在昔
循良固如此。怡怡。姜被正同歡。忽憶。遙關奉甘旨。尊

甫哦松不負丞待魁立青書官紙兄送弟弟別兄酒
酣吹和埴簷聲兄歌棠隸弟歌鶴鷄乃是世間兄弟
情既圖以詩中之趣又索以圖中之情我惜季方之
去重元方之請磨華嶽之松精走山中之兔頴紀漢
江之別意敘郢城之八景城施秋色鎖苔班影浸長
橋月明冷槌碎白雪樓踏倒陽春臺風流宋玉已成
土三千年後知音來盧家莫愁呼不起誰唱江雲與
江水石闌十外曙鴉啼茅屋數間空翠裡曉鍾催罷
暮帆歸名利驅驅何日止休尋五客堂客散堂已荒
仙客反從俗閑客翻成忙西客盡東徒南客皆北翔
雪客避繒繳飛入蘆花藏古之陳迹雖可傷今之畫
意不可忘歷春秋戰地識離騷醉鄉橫壯遊奇氣挹
同胞耿光兒女子淚果何物夫夫鉄石為肝腸銀瓶
酒盡棹歌發滿江花雨春茫茫春茫茫水東注水上
沙鷗留不住明年奪得玉蟾蜍丹桂香生紫荆樹

孟姜女歌

祖龍之政猛於虎識記驅民丁役苦天經地義付焚
坑版築安能禦胡虜東以臨洮萬里餘秦民半入長
城土哀秦民讀秦史當時卿相皆婦人此婦由來是
男子城土有知血有靈寒衣翻作招魂紙茫茫宇宙

已無家負骨分明負倫理哭聲痛徹海眼酸平地迸
流三尺水泪盡腸枯與水盟妾生豈忍偷生恥鬼工
擘破女回山同穴恨非同日死君不見享神寧享睢
鳩肉何用區區趙高嚴裨官不敢為之書淫巫不敢
為之祝山前山後不種桃李花孤松氣壓韓憑木歌
貞節酌貞節六月雲和飛風烈烈金釵夜化女史星釵
上香塵化成鉄

自有亭

師心子路石卿郛城太守之難兄平生慷慨負奇氣
落筆恍聞神鬼驚讀書之亭大於斗高而取其名為自

有我問所名之義何石卿不答咲而走孔門究竟理
無窮兩字源流尚未通檢遍六經無著處誰知只在
魯論中陋巷簞瓢言最切伊川註解分明說等閒尋
出樂事來方識聖賢真妙訣約之以禮博以文工夫
在已不在人至於欲罷不能後便學无眼前都是春仙
人洞口兮草木皆彬彬泌浦湖頭兮鷗鷺皆恂恂烏
帶山環兮即之如申申幙頭峰高兮仰之如閭閻楓
溪浩浩兮聽之如諄諄石橋平平兮由之如循循吾
心漚萬象萬物備吾身措之可以兩經綸他日要安
天下民君不見古闌亭正與自有相為隣願君但

飲顏回水勿學流觴王右軍。

賀孫克讓得子

君不見元徽之生道保五十之後未為老。誰知造化有乘除。早者不如遲者好。又不見孫克讓四十過今年生子歡情多。蕭鼓謾催湯餅客。筵前聽我洗兒歌。一洗福餘慶綿綿。家道足。蓋從累葉積將來。莫道富而能潤屋。二洗綠少年便享千鍾粟。雖然榮貴在聰明。大本聖賢書要讀。三洗壽。秋水精神眉目秀。春風歲歲詠南山。粟得太和元氣厚。洗兒歌。歌聲長。驚落一天星斗光。筆端繡作鳳毛香。並備明年歌李方祖。

康強父賢良伯叔兄弟皆軒昂。人生忠孝不可忘。丈夫百歲當流芳。

五言古詩

華清詩

悲哉天寶時帝耄政不脩寵幸尊婦人陰極陽已柔
外戚盛本枝櫛比封列侯丞相大將軍備位甚悠悠
天下安既久積漸力不周車服金玉煥黎庶饑寒愁
驪山溫泉宮晝幸還夜遊一遊百司備萬費一日休
誰能心自快化作社稷憂國忠恣吞噬林甫懷姦偷
胡雛據太原鍾鼓無計收黃塵滿長安慘黷九廟羞
蒼天未使絕返正知疾瘳自茲遊賞地荆棘生荒秋
舊物悉已廢蜘蛛掛重樓覽者咸寒心一過三迴頭

因知帝王業堅固宣鴻猷豈可信嗜欲翁美生瘡癰
雕牆峻宇誠簡牘况有由翻思黍離章續之應可仇
飲張千戶槎軒排律

聞道槎軒好東君久待余一童張布傘兩僕昇籃輿
祇用扶鳩杖寧須駕鹿車從容過市井咫尺到門閭
老眼清無限閑情樂有餘塔播真可愛窓草不曾除
橘簇香雲暖槐酣化日舒牡丹花落後叢竹笋生初
莧菜披紅錦葡萄曳翠裾苔嫌秋露冷蘭任曉風梳
燕子同家住蜂兒間壁居大繩貪似盜小犬詰於徂
盆壘竒竒石池通淺淺詎亦苦茶呼數數酣酒飲徐徐

青棗充時米烏菱當

出窠黃口雀墜經白鱗魚

嫩鷓猶堪嚼肥鵝也莫如豚蹄輕碩鼠鷄肋重關雎
真敬宜從簡繁文總是虐敲棊知進止踟躕謝吹噓
瞽者絃歌熟漁翁禮貌疎喜聽新樂府懶說舊兵書
看昼慚嘉遯題詩憶契廬空途羈旅客何日賦歸興

送葉掌教還家

春雨寒惻惻春江水茫茫別君臨水際水短別情長
憶昔正教鐸德音日已揚諸生飽薰沐育此皋比香
人事有代謝悲喜安得常烏鳥入夜啼萱草不為芳
雙淚滴成血血誓誰與嘗孤蓬照殘月萬里返故鄉

讀禮勿讀詩。我欲斷腸。居諸時易過。徒抱終天傷。
無念心。雖切移君道。乃老立身顯。父母聖訓不可忘。

中秋對月用孟浩然韻

明月下空庭。清光寒不濕。褰簾坐未久。忽見飛螢入。
客懷寡無聊。何處砧聲急。對酒不成吟。起向西風立。

偶出

客况又岑寂。薄言試春遊。草色漫成綠。野塘新水流。
閑雲自來往。落日山光幽。時景不待人。中有千古愁。
古人去不反。今人空白頭。茲懷眇難語。惆悵歸未休。

中酒

中酒如中暑。昏昏惟欲睡。靜焉時自思。良使我心媿。
飲多情。即狂情。狂語斯談一失悔。莫追終身以為累。
作書謝翹生。交好半途棄。相知向我言。老癡胡不智。
浮生能幾何。光陰彈指易。萬事勞其形。百憂苦其志。
歡樂須及時。未須易顛顛。典衣杜少陵。強容楊諫議。
伯倫竟沉酒。元亮亦耽嗜。俯仰古豪賢。優游足高致。
酒是天之珍。酒泉地之瑞。天地止弗違。而人安可避。
况在功名場。獨醒眾所忌。慎勿廢金觴。其中有深意。
我聞忽絕倒。起與酒神遊。是今一月間。便當三十醉。

冬至

偶因冬至日默契造化理剝極乃見復姤盛浸成否
靜者動之根動者靜之始天地自循環人事亦如以
治亂每相乘禍福常相倚陰消退小人陽長進君子
知機其神乎如斯而已矣

守邊

任將以守邊所賴藩籬固堅瓠非長城柔茹剛即吐
武備日以隳秦越靡相顧一朝胡馬來手足無所措
哀彼荼毒人天高杳難訴韓盧復何知日擗甲山兔
積惡有餘殃此理胡不悟為臣當盡忠死生有定數
奇哉張睢陽千載使人慕

遊金龍池

雲深池水寒派出青山口雲水復何心鷗鷺為自相友
時維秋氣涼佳節近重九侵曉解征鞍徘徊日將酉
歷覽古遺蹤因之問村叟龍媒肯受羈石婆豈能走
此事甚荒唐吾不識果然否叟云吾不知世遠人亡久
文獻不足徵請看池上柳遙遙數百年今亦半枯朽
人生能幾何少壯忽老醜佳事無足論且盡杯中酒
我聞老叟言豈非達者偶感慨不成吟臨風一搔首

榆林送武靖侯趙公還京

古人一日別常懷千里思况在天之涯而與君相離

風寒歲云暮夜不鷄鳴是惡惡行路難苦樂心自知
人生如浮雲聚散安可與君歸日以遠我歸當何時
豈不念鄉國願與三事慶霜月滿孤城照見遊子悲
見萼

野雉雉於出桑穀生於朝 聖王務脩德災患乃自
消萼星見東方垂象何昭昭天心愛人君君心胡可
驕反身當自責弭此天上妖轉禍以為祥一念之所
招小臣無補益作頌歌唐書

金雀花

侯門愛金雀金雀顏色好化作枝上花凌春獨開早
冶遊亭館多芳客等閒老一夕東風狂飄零有誰掃
幽然得天趣不及澗邊草物理乃如斯人生當自保

寓懷

我愛張番侯功成學仙去本非慕長生禍機已先著
韓彭既屠戮吾亡齒當慮妙在泥上書沛公豈能御
羅網徒高張雲霄鳳孤翥俛懷百世師行當謝虛譽
初度

今年四十八去年四十七明年四十九五十爭幾日
逆數六十來光陰彈指疾七十後古稀八十安可必
所以百歲人千萬不見一嗟哉宦海中悠悠良自恤

醉者衆所容醒者衆所嫉順理我心安世巧天網密
靜坐者衆除誰得竟誰失

周太守席間

人生貴適意不飲將何為把鏡照顏色少年能幾時
千金買濁醪洗我平生癡所以古賢遠荷鍾行相隨
衆醉豈無為獨醒良可悲醉中有真趣勿使醒者知

寓懷

圓者人所譏方者人所忌不方復不圓何以成其器
至圓莫如天至方莫如地天地之大兮人猶有所議
况我疎鄙流竊祿據高位人或譏我圓我圓思以智
人或忌我方我方思以義是非無敢論毀譽何足異
醒者彼自醒醉者彼自醉嘗循規矩中靈臺了無愧

七言古詩

平虜

送項都憲

天運困敦月少陽旄頭夜夜生妖芒關西充土粵有
涼殘胡逆種鞠銳強石城阻山蕞爾疆崖歌經仄險
莫當嘯兇嗥醜不自量負固僭僞端鷓鴣張叫喚四出
人禍殃掩撲聚落爭奪攘迫脅男女驅牛羊守臣失
制士重創遠近騷繹駭獮猖凌風一羽飛奏章皇
赫斯怒天聲揚螢爝敢與烈日亢元戎十萬歛起行
熊旂犀甲搖寒光都臺簡命提戎綱萬全籌策今
子房衆賢授事力佐襄克壯厥蹟威德彰乃翼乃進

戒殺傷載輦載宥垂慈祥彼昏罔悛卒若狂天刑自
速催滅亡噐頑讙諛仍蹈常當轍亟欲臂奮螳王師
額額火龍驟刺天劍戟彌川岡如墉富峙芻與糧三
軍尊食咸激昂闕若虓虎趨若狼風霆叱咤天迴緹
一鼓進薄扼其吭再鼓陷陣曷遁藏矢石怒發鎗礮
碾殲劉蔽野灑血洶鐵山踏碎烟塵黃 懃束縛來
虎悵餘徒乞哀慄若僵羽翼摧拉瓜距斫功成戰捷
端足慶 叶卷 凱歌盈耳聲洋洋旄倪拜舞迎壺漿生
靈荼毒喜泰康獻俘丹闕觀 聖皇懽騰朝野紆衆
望 龍顏霽悅開明堂褒勳裂土歸忠良廓清稷象

安邊防絃歌彞鼎名流芳太平有象登虞唐

過蜀道作

李白嘗作蜀道難陸暢乃作蜀道易難若難於上青
尺易若易於履平地第恐暢也狂白也醉不然蜀道
本自同立言何太異遠通我來蜀道中咲舒兩手摩
雙瞳長安陌上馬蹄疾何曾見此山重重山重重其
間不知幾千萬之懸崖峭壁幾千萬之峻嶺奇峰馳
背者如翁引領者如童盤繞者如龍躡蹻者如熊羆
者如屏障秀者如芙蓉覆者如釜懸者如鐘摩空憂
雲者如偃月如長虹爭雄獻巧未易可以言語形容

山中之木或楠或榿或梓或桐亦莫能遍觀而盡識
但奇奇恠恠者有欲折未折之長杉短榿半枯半活
之老栢歌松那更滿山派水亂十步一溪九步澗鳥
道纔有尺寸通忽然又被江橫斷巨靈力竭六丁死
鑿石挿木始成棧縈迂抵溝壑盤桓出霄漢射虎任
縱橫猿猱遍呼喚黑雲挾兩飛陰風吹石攔行道之
人魂喪膽落眼花股栗而背行汗故鄉回首五情搖
捩膺脇息空長歎噫嘻蜀道難孰云本非易而我胡
為來此地我來我來良有因顧我豈是尋常人丈夫
窮名當獨善其自不得志當澤加于民勤勞固我分內
事驅馳安敢論苦辛存昔王陽畏此彼為親王尊犯
以彼為君我之為君為親之心兩俱勝臨岐竚立空
傷神莫若策馬使之進死生禍福盡付與蒼昊是它日
雖不為王陽之孝子亦不失王尊之忠臣蜀道雖云
難終不效兒女子輩戚戚徒沾巾

酷暑

祝融鞭起火龍怒赤尾搖空掃雲霧海波萬丈煎欲
乾五嶽查滓碎如蠹徙薪移突竟無功爛額焦頭肯
相顧封姨忍氣莫敢噓阿香停車莫敢度 玉皇深
拱九霄宮此患如何猶不悟昨日我從天上来便欲

還從天上去去時直造玉皇前伏願傾心細陳訴
願驅祝融鞭火龍好把陰陽再調護我歸奚用借天
瓢手挽銀河顛倒注洗清寰宇息風烟大使蒼生蒙
雨露

次張二守前韻

我非移山之愚公亦非失馬之塞翁少年讀書好奇
字賦成曾獻甘泉宮當時豪氣如長虹于今齒豁頭
已童知音寥寥眇何許雖有琴劍吾誰同劍不彈琴
不鼓丹鳳不鳴蛟不舞俗耳只兵發秦箏聲鉛刀豈是
干將伍伏櫪馬曳尾龜傷弓之真四驚曲枝流光冉冉
快如擲人生行樂須及時山林享清福鍾鼎食厚祿
莫分窮達與悲歡將有餘而補不足浮世百年為上
壽徃古來今日甯死生如寄天如舊蘇仙何用和
陶詩盧郎安用讀楚詞聖賢遺訓最簡易只要此心
毋自欺我無言責與官守任爾漁樵話臧否多岐感
穀已亡羊富貴功名如敝帚東園看盡桃李花獨立
春風一搔首

送張巨明赴京

余與君家最相契桑梓連陰今幾世羨君樂有賢父
兄季芳因是余家壻一門丹桂五枝芳君之才器充

非常結交只許尚道義恥隨流俗窺炎涼翻思二十
年前事杳杳茫茫猶夢寐是時余方六七周君年始
及十三四憶從髫鬣共嬉遊千狂百態寧知愁鬪草
爭把粟作飯釣魚旋買針敲鉤後來學館同窓坐抵
足良霄共食肆青燈克苦十年功回首容顏俱老大
喜君筆底好文章長江大河流蕩蕩第恨平生性愚
魯陶薰亦頗通三場一朝瑟瑟西風起黃濕槐花樹
頭雨廣寒宮殿落天香與君同應秋闈舉不虞之譽
僥倖多劉蕢不第將如何東書嘆傲且歸去重將太
阿龍泉磨禹門浪拍堯花暖千里東風嗟獨往對策
慙無賈誼才姓名叨著昔以金榜承恩拜職居烏臺
乘驄偶自關西來道經以里與君會篝燈話舊情徘徊
匆匆又上關西路馬首頻回兩相顧感君臨別語
叮嚀此去好將經紀布非才亦敢礪名節音書忽報
靈椿折關山歷盡遠歸來淚洒衣襟都是血滿衣血
淚空徬徨憂懷坐食思羹牆先人素與而翁好一見
而翁一斷腸自從守制鄉園住暮暮朝朝與君聚心
宵茅塞今始開應訝那堪君又去紛紛冠蓋送君行
翩翩采旆如登瀛萬里青霄輒初發十年黃卷功初
成送君不用折楊柳三疊陽關一杯酒柳條難繫故

人情酒盡歌殘便分手。正高天正寒，斷橋凍合。
溪流乾，忽驚飢鷺隨清影。玉梭拋入琉璃盤。山光慘
淡，連衰草、旅懷却憶江南好。古岬雲巢，松頂低孤村。
雪壓梅腮小。白日苦短，夜苦長。早行獨有征人忙。鷄
聲啼落，邯鄲月馬蹄踏碎。灑溝霜行看較藝，黃金闕
多士應知推俊傑。揚眉吐氣入橋門。秋闈還擬居前
列。竚待明年三月時。買舟余亦來京師。眼前暫別即
相會。天涯毋得遙相思。勞勞莫厭紅塵走。聚散悲歡
原不偶。丈夫有志在四方。人生何必常相守。

題獨上人書

好山萬仞高，挿空群峰竝。列青芙蓉大峯，突兀如盤
龍。小峯箕踞如蹲熊，峯頭短樹亂如草。凌霄獨立蒼
蒼松，松南小徑通幽谷。谷口脩脩數椽屋，疎籬影射
夕陽紅。虛牖光搖流水綠。山中屋貯山中雲，山中雲
卧山中人。山中之人凌明月，夢相清光眠不得。起來
行過曲欄下，石上呼童掃殘葉。携酒一壺，書一冊。酒
亦不飲，書不閱。清風兩袖吹欲飛，瓦鼎時燒紫檀屑。
舉頭竊語問嫦娥，爾好叮嚀為僕說。玄霜春到何時
歇，霓裳舞到何時澈。桂花開到何時休，廣寒冷到何
時熟。夜寒語罷寂無聞，但見滿天秋露白。露華零落

天將曉轉聽嫦娥聲悄悄
宵中別有一般情更注爐
烟重祈禱頭把靈丹與
世間總使人生常不老

龜山神祠

玄衣都郵五總仙
走向漢江江上眠
夜半神奇化頑
鈍高山仰止三千年
一頭石開口如筵
元氣淋漓香
霧重大巧難容斧鑿痕
玄關深鎖虛靈洞
紫苔點破
翠屏幽潑潑魚吹溪水
一流水聲流出到平地
塵埃滿
溪烟雨愁六眼笑
春化萬狀驚梭織
錦翻紅浪四巖
松檜鬧清風
搖曳綠七七長
幾丈七十二鑽骨已枯青
天倒掛碧玉壺
畫師塗抹果何物
是乃古今真畫圖
嗚呼此山造化若肯賣
買取洞中閑世界
狂歌醉舞
問傍人不知我與白雲誰自在

贈顧廷序還吳

寰宇東南有狂客
曾中飽沃金壺墨
沖沖豪氣欲吞
牛吐作虹霓
皆五色六丁見之不敢觸
走翻瀚海為
平陸
鰲魚背上砦石精
宿斫得珊瑚五千束
驪龍頷下
鮫人哭迸出明珠三萬斛
茅君起謝麻姑愁
只恐光
芒射倒崑崙丘
等閑搏與鸚鵡來
看來騎鶴上天遊
天上春風艷如酒
紫荊花開大如斗
花前瀉薦碧螺
漿醉揮鳳尾湘江筵
湘江之筵長幾何
夜寒掃斷銀

河波素娥失按霓裳調天孫驚墮雲錦梭酒醒却憶
蓬萊島坐擘琳琅拾瑤草鸞笙吹落珮環聲回頭一
望乾坤小

走筆送謝大參

捲地風寒聲冽冽夜深吹落關山雪我君何是遠相
過一片冰花凍髯結便呼斗酒洗離腸談笑氣吞胡
海熱三十年来契濶情無端又作匆匆別屈指長安
多故人見君應問天涯客為言兩鬢已婆娑獨有秋
心猶似鐵吁嗟我老不足憐塞上征夫淚成血

寄贈張節之壽

我聞先生之名于今二十載客路無由見丰采心隨
丹鳳起朝陽喜落驪珠照滄海英豪難弟氣凌雲咲
談咳唾皆成文一從持憲按東魯落花幾度江南春
江南望月頻剗首南極星垂大如斗流光千尺煥層
霄分明射入長春酒填筮聲瑞應先生弟與兄兄能
愛弟弟能敬索我題詩遠相贈但願先生百千萬歲
壽無疆更願先生拜官二十四考中書令別剪兗中
五色絲繡作芙蓉為相慶

送栗先生武安

把酒送君君作歡斜陽欲沒銀瓶乾醉來擊節吐奇

氣劣欲萬丈星斗寒泮水生香時雨早杏壇遺響知
奇少千金不換舊皋比吾儒道大乾坤小

九日登高

老景六旬一歲逢九月九登高登到最高峰望見城
邊千樹柳千對柳一夜西風半衰朽今人不賞此重
陽借問古人今在否我亦年來故舊稀惟除兩箇知
心友長者名曰詩少者名曰酒右執酒聖袂一飲七
八斗左拍詩仙肩一吟三百首醉吐胸中萬丈虹散
作紙上風雷吼我也不惟風伯狂我也不嫌雷鬼醜
只愁拍倒大佺山說得巖前石佛走

乙卯歲仲冬五日初度自詠

聲裂寒雲橫玉叫香風六拍紅牙笑三搯冬月響春
雷驚得梅花滿空鬧瑤池青鳥先來報鶴背丹霞王
母到群仙把酒捧蟠桃壽星對我低低道小住人間
五百年東皇賜汝長生誥

雪中聞雷

律令睡起眼如虎脚踏雲頭擊雷鼓華陽洞仙呼不
來巽二長歌滕六舞破柱搏空驚倒入天聲海影相
吞吐鬼神變化理最微推步管窺何足數老饕只愛
糟為丘左挾洪崖右招甫大嚼須傾三百盃功名富

貴皆塵土酒酣棹碎陽春臺一曲清山調無譜

二喬圖張千戶槎軒

喬公二文生絕竒玉為骨格冰為肌綠窓不理閑針
線並讀孫兵幾卷書大喬嫁與孫仲謀雕闌十二黃
金樓小喬嫁與周公瑾綉幙羅幃護香粉老瞞水軍
百萬來江流歆絕山歆摧大喬教以斫案令舉國群
臣皆拱聽小喬教以火攻先舳艫化作江中烟夜走
華容幾不免景升兒子真豚犬山河從此遂三分內
助惟知娘子軍矐彼閨門兩豪傑標銅雀那能鎖春色
千古丰標屬登工品題今日思無寄興關聊把一盃

酒羞道馬嵬坡下醜

三思圖

食者自食鳴者嗚嗚者不如飛者清登仙作此豈無
意蓋取三思而後行我聞再思斯可矣思至於三私
意起國賓爛熟論語篇不學當時季文子

周太守蘭竹棘

物之香者莫如蘭物之清者莫如竹蘭香香於天下
草竹清清於天下木彼棘果何物處乎蘭竹中小人
之態固可惡君子之德當有容君不見尼父尚遭揚
貨怒子孟軻曾被臧倉惡誰知造化本無私善惡難逃

消長數

舜韶遺響後卷

去年卷中無一字我作楚聲聊寄意今年展卷滿紙
春卷中好句驚倒人蓬萊老仙應念我筆鋒掃下驪
珠顆故教憲副馬啟東肺腑吐出唐人風同宗清思
若流水一夜九泉呼不起感今懷昔不成吟無限悲
歡隔生死還君卷釀我酒醉來且開談大口他時為
借織女梭綉作梨花樹頭走

挽黃岩趙先生

先生自是林泉客甲第紛紛懶干謁
未老平分蠶室

雲夜深獨釣寒潭月希夷一枕名利輕
芻菽八極乾坤窄散步橫拖紫竹筇
醉吟倒看烏紗憤百畝田五畝宅
蚕有成耕有獲等閑仗義濟貧危
多少鄉人蒙惠澤無那少微忽墮
天上星忍見太史新題到傍碣
野鶴歸來恋戀情杜鵑啼出
啼聲血拜甥栢府真英傑
手持哀挽心悲切我亦嚴君
夢長往妙歌未讀先嗚咽
太山裂滄海竭先生之名終不滅
千古清風與高節

遊靈巖寺

前山俯伏如象卧後山蹲踞如獅坐
東南朝拱朗公

山路接鷄鳴。山下過中開。掩映梵王宮。五花寶殿高。
玲瓏石門深。鎖觀音峒。峭壁斜生摩頂松。松接遙指
天門樹。老禪創始開山處。面前湧出甘露泉。流將香
積厨房去。香積厨中杖錫泉。黃龍白鶴相通連。天添
平峽池頭水。淨洗菩提種福田。一重流水一重竹。竹
邊盡是山僧屋。上方下界知幾重。銀杏紅椒滿空谷。
山僧汲水煮新茶。茶罷焚香看佛牙。莫言此事是虛
誕。請君更看鉄架裝。袈裟不染世間塵。花落花開春
復春。長碑短碣題名處。半是唐人半宋人。感懷我與
觀風客。興闌舉手燈前說。今來古往自興亡。依舊靈

岩稱四絕。晚來紅日照簷櫺。明孔光分曙色。晴千尺
浮屠清有彩。半空懸鼓竈。無形連朝看。盡山如盃。為
問山靈多少價。明春借我。山上雲散作甘霖。濟天下。

晚翠軒批把

軒前翠樹凌秋風。翠色照入軒之中。固非先零之蒲
柳。亦豈早彫之梧桐。奇哉。乃是盧家果。碧玉枝頭琢
成顆。清氣吹寒上畫屏。窗窻影亂香雲朶。霜華染作
黃金。飲餘酒渴詩喉。醉拍闌干飽風味。笑殺世
間梅子酸。晚翠遲遲猶。既節。吾儒對此心如鉄。還當
洗眼看蒼松。歲暮空山。引冰電。

吳氏松筠軒

吳君湖海氏苦愛松筠進以騷人吟不了徒使濁者爭
我欲駕清語又恐松筠齒四筆忽潦草聊為松筠評松
乎偃蹇如孫登蒼古如老彭筠乎高風如子陵直節
如淵明吳君對此四良友少者為弟老為兄有酒相
與傾有詩相與賡有鶴鶴自舞有鳳鳳自鳴醉來相
枕籍鼻息吼作春雷聲時有叩門者乃是梅先生諸
公倒屣懽相迎舊曾同結歲寒盟洞觀一世無物可
把玩功名富貴等似浮雲輕東園桃李開春色笑殺
世間兒女情

三觀圖

史稱先主帝室胄系屬中山靖王後關張意氣若弟
兄赫赫威聲掀宇宙孫權累業據江東老瞞竊命真
奸雄鹿門隱者龐德公蚤識孔明為卧龍臥龍豈是
管蕭亞先主殷勤三枉駕君臣魚水喜相從誓復堂
堂漢天下遂提一旅取成都漢武先排八陣圖七縱
七擒談笑事木牛流馬古今無渭上屯田駐兵久指
揮白羽風雷吼奇才蓋世何可當身死猶驚仲達走
伐魏吞吳志已休誰知天欲覆炎劉裴禮明月看平
蜀空使英雄涕泗流千載孤忠如日皎莫論成敗功

多少披圖三嘆不成吟。只寫先生出師表。

遊靈巖寺

東山勢如獅。西山勢如象。忽見東山雲。飛過西山上。
山間之雲雲間山。禪林正在雲山間。千尺浮圖挿天
表。黃金世界非人寰。一重殿閣一重竹。竹邊小結山
僧屋。野花幽鳥不知名。到處溪流繫汨汨。有山須有
水。福地多鳴泉。杖錫在其下。甘露在其顛。黃龍在其
後。白鶴在其前。紅塵半點飛不到。時有清風吹墮一
縷松稍烟。天松小松亂於草。摩頂松枝猶未老。玄裝
法師骨已枯。依舊歲寒顏色好。衆生假此幻泡身。轉
眼百年春復春。請看石上題名者。半是唐人半漢人。
蹇余愛此天然畫。却恐山靈嫌俗駕。歸來袖得山上
雲。散作甘霖濟天下。

倪戴處士善畫舉人戴福父

先生不學琴。與棋先生不學書。與詩學棋無奕秋。學
琴無子期。學詩無小陵。學書無羲之。學之雖云工。舉
世誰能知。所以平生只學畫。雲山一幅千金價。妙驅
神品入毫端。清新豈在王維下。先生本非畫者。倚雲
山托思。心悠悠。醉擘白眼藐天地。功名富貴皆浮漚。
或譏其歸光晦迹。果於忘世之流。先生以為君兮堯

牽我斯巢由廟堂之上自有伊周老天容我輕王侯
輕王侯謝簪組羊裘弱笠漁樵伍正期高節矯瀛俗
可憐一夕成今古蒼苔影落鳳雛孤長楊散斷寒鳥
苦我與先生早識荆感舊傷情淚如雨安得晚風收
拾過東林洒向先生墳上土

題永嘉蓬萊塔

世傳蓬萊山乃在東海之東初莫知其幾千萬里瓊
樓玉宇非人間中有神仙常不死我曾聞此言而誰
窮以理求仙望蓬萊古今亦多矣愚言無足徵君請
閱青史徐福一去不復回文成五利俱成灰蓬萊遙

遙渺何許茂陵寂寞徒堪哀那知蓬萊之山原只在
入境秋空翠滴芙蓉冷十二峯高北斗低月華涼浸
蓬萊影元戎構閣高崢嶸不敢咳嚙蛟龍驚朝來海
市獻奇恠蛟人捧出驪珠明等閒談笑一揮手肘後
黃金印如斗浪靜風恬海若棲烟消霧滅山靈去醉
時獨對蓬萊賦分明夢入蓬萊天蓬萊景物盡與元
戎作賓主元戎真是蓬萊仙嗟予未了公家債空自
題詩增感慨何當禽駕一追遊也上蓬萊觀勝槩

詩送友人周宗太

霜月照孤鴻春堂語雙燕別來今幾年偶爾復相見

渾疑夢寐中故交話舊情無窮懽情極了忽長嘯滿
天颯颯生清風可憐相見未餘久無奈匆匆又分手
臨岐把袂且談詩何用尋常一杯酒古詩起於列國
前孔子刪為三百篇發乎性情止乎義所以音律皆
自然後來風雅不復作獨爾離騷味堪嚼秦漢以下
雖頗淳已食古人之糟粕盛唐取諸杜少陵西晉取
諸陶淵明少陵忠義所憤激淵明渾然而天成五代
之詩母足蓋宋人之詩理而已抑揚詞氣欠春容遂
失溫柔敦厚音元人之詩學晚唐若巧者自巧狂者狂
天音元氣日凋喪詩道至此幾云亡方今詩教追太
古可以歌兮可以舞時有觀風使者來采得民謠續
周魯於皇聖主日月明宵衣旰食憂蒼生行將作
詩奏金石拜舞彤庭歌太平

次許先生仲夏草亭集事韻

浮萍綠破金鱗尾海榴紅喙黃鶯嘴蘭膏香斷藕絲
風飄珠光迸荷盤水水邊種修竹竹外栽長松松根
瓦竝若斗大中有奇奇恠恠幾拳石恍如直廬五老
巫山十二峰峯南更有垂楊樹正是先生讀書處滿
地圓雲掃不開白鶴飛來忽飛去一自投簪幾度春
朝又暮夕暮又晨但願先生日日醉此草亭上何必

雷鈞渭水濱

蜀中送桂廷秀赴京

雞聲叫墮西樓月。寒葉征衣風烈烈。葡萄香浸玉瓶
溫。濯錦橋東與君別。與君痛飲三百盃。醉眼生花耳
根熱。是時但覺山嶽摧。天地窄。我發狂歌君擊節。夫
夫當為真丈夫。肯效區區兒童被。情然不讀聖賢書。
鄙哉不為君子儒。空負堂堂七八軀。庸庸碌碌將何
如。君乃儀梧崗彩鳳。過龍門鯉魚。它日鳴朝陽。作霖
雨。必無媿乎平居。我雖乏古人經濟之策。亦有中心
犬馬之愚。願借宵蟠五色線。共期補袞於唐虞。君聞
我歌忽起舞。豪氣冲冲欲吞虎。功名激烈在少年。恥
向離筵說辛苦。須臾之間酒盡暮雲低。萬里長江一
轂擡。

都憲余士英禱雨有感

泰華峰頭祝融語。閩中赤旱三千里。老農膝苦不可
嘗。涸血欲乾苗欲死。西安太守真循良。敬禱於神惟
罪已。願把平生忠義心。化作吾民田裏水。彼蒼聽德
萬古聰。造化隱微皆有耳。應時霧塞白晝昏。霹靂一
聲龍驪起。雷車彭彭雷鬼忙。倒挽銀河洗天髓。筆者
以實枯者榮。病者以興憂者去。吾滿路歌謠。太守賢藉

蒙父母蕪其子隣封五馬競佐科誰向闕問流徒
黃霸行看入廟堂大書功業垂青史方今攸圖寤八
荒司牧安能盡如此

榆林送李漢章郎中還京

鄴侯自是神仙偶直上雲霄接星斗除却吟詩與呼
酒等閒不放談天口醉來小試擎天手五色花飛筆
如帚帝厭腥膻肅群醜虎賁揮劍蛟龍吼一鞭國計
勤勞久贊畫謀多直益友戰可以勝攻可取彩竿已
指胡王首六騾遠遁陰山後歸去囊中何所有忠肝
義膽酬元后丈夫豈在常相守恥向臨岐折楊柳老
我今年四十九皇恩未報身衰朽滄江魚鳥知心
否安用黃金印懸肘世間萬物皆芻狗

挽秦母妣

西來阿母騎青鳥一縷紫烟風嫋嫋俯視塵寰幾許
寬就中却愛秦宮小秦宮主翁南極仙相逢又是三
千季麒麟為羔鳳為鴈龍綃挽作雙頭蓮仙家亦重
周南化琴瑟關雎兩無償曲江分派接天潢五色瓊
芝鍾太華小殿朱簾春有餘飲餘春酒樂何如靈根
莫遣笙歌聒靜讀人間女史書昨宵夢入瑤池境彈
碎雲敷呼不醒暖香開盡碧飛花水咽銀鴉玉棺冷

題秦賢王送余方伯之浙江卷

知君原是蓬萊仙曾侍玉皇香案遠簡命收伯下秦
主愛民恰如烹小鮮功成却向江南去滿路謳吟畱
不住德在民心何可忘東風亦惜甘棠樹後仰分茅
第一人世間豪貴皆游塵為君把酒送離別鳳簫吹
斷驪山春手披雲錦眼如虎七竅虛靈貯鄒魯醉來
吐出萬斛珠日射龍光照今古

次趙武靖月宮攀桂韻

銀河露滂秋穀涼鼻觀忽清天上香黃金一粟墮平
地世間草木皆無光老仙獨步風塵表五百年來夢
初曉和雲移向鳳池栽却笑廣寒宮殿小林大終須
作棟梁玉皇正爾開明堂便舒隻手挽坤軸斯民
萬古歌陶唐

挽宋方伯

克齋先生能克已肺肝滿貯麟經髓筆鋒攻破鍾王
壘幽頰平反穿中死氣吞胡虜風斯靡感頰窮途問
流徙神驚啄蝗如啄蟻倒挽銀河千尺水牧伯無慙
董狐史丈夫勲業當如此故鄉興味尊鱸羹一夢泉
堂呼不起梧崗瑞鳳先生子玉陛龍光照朱紫冥漠
有靈魂亦喜虹蜺為劍雲為履鞭駕風霆九萬里

送尚寶蔣宗仁展墓

紫毫香濕雲錦箋醉吟風月三千篇兒童走卒識姓
字此是玉皇符璽仙家住東南大江口江上松楸重
回首兩地難禁鳥鳥私眼中淚血墳前酒一道恩波
萬丈流雪濤銀浪送歸舟金山山下墓只恐蛟龍愁
夫夫意氣吞寰宇白日長歌笑羈旅我欲作詩詩鬼嗔
恨無老杜驚人語

瑞竹

竹為骨兮栢為肉仙娥巧挽春雲綠滿庭清氣逼人
寒世上屏圍揔塵俗我聞竹死死又生瑞應主人歌
甕鳴百年富貴有定分昨日尚枯今日榮便向高堂
歌此瑞主人滿泛詩翁醉醉驅木怪與花妖夫夫不
灑湘妃淚

中秋對月

舉杯對明月明月在杯酒一吸但知杯酒乾不知明
月跳入口曾中便是一小天七竅光芒大於斗照見
肺肝無點塵惟有李杜精華伍千首須臾化作八花
銅却與人間照妍醜醜者嫌太明妍者嫌太昏浮雲
萬事何足較此月常遭人品論畢竟世間無着處依
舊送還天上去嫦娥引得玉兔來教我重栽桂花對

金臺別意送黃叔衡省兄還閩中

黃金臺上西風起白鴈叫霜天似水風外填麓吹別
離一聲散入秋雲裏璞玉渾金好弟兄閩南奎壁兩
星明阿兄筆力抗嵩華簡拔人物司銓衡弟居湖海
享清福萬里來同姜被宿羸得世間無事官神仙不
食朝廷祿歸思吟情攪肺肝醉呼斗酒促征鞍小窓
後夜聽春雨喚醒紫荊花夢寒

萬氏思親堂

古心古貌肩山叟不重黃金重孝友萬里來看棠棣
春喜鍾和氣花如斗調羹炎難弟土堂仙風雨連床俱

白首富貴人生歆養時淒淒霜露哀思久 墨書疊
降墓中恩血淚多於墓前酒地義天經即此思世間
外物皆芻狗慨然三石改蓼莪詩老有幾人思父母托
興永言毋敢忘登堂大筆揮長帚銀鈎鐵畫寫經常
海嶽崩枯名不朽

初度試筆

昨日五十四今朝五十五宦海奔馳三十年君恩浩
蕩慙無補白頭暗裏換朱顏把鏡無言心獨苦呼酒
長歌強自寬酒酣拔劍樽前舞丈夫事業要掀天肯
與草木而同腐古人豪傑不可見誰謂今人不如古

俯仰乾坤白晝寒。浩然氣可吞牛虎。平生忠義志難酬。萬里行當破胡虜。

對雪漫興

天孫曉粧梳。侍娥不備謹。推倒玉粧盒。撒下一天粉。乾坤凍作白玉壺。壺裏塵埃半點無。錦帳誰家醉歌舞。沈香火煖春生爐。世上窮人寒欲死。帝遣封姨收不起。羲和時駕赤龍來。萬里瑤瑤化成水。此水入田幾許深。黃牛脚底一犁金。莫言牛力最辛苦。最苦莫如農父心。明年百穀賤如土。免爾催租吏騎虎。蒼生飽聽大平音。擊碎村村賽神鼓。

天趣軒題扇贈劉汝到

大火燒空天地熱。南薰不作朱絃折。世間誰有濟焚功。白面老生心似鐵。造化平驅掌握中。一揮雲冷秋聲咽。紅塵萬丈不敢飛。神巧在人天。反拙最苦先蘇隴。上禾木頭汗是吾農血。

送許節之還寧陽

灤源門外東風暖。嫩染鶯黃柳絲短。小雨乍晴香霧消。鶯聲滿樹清如莞。感時又度一番春。年去年來頻送人。不覺朱顏鏡中老。春光又逐少年新。世路悠悠祇如此。眼中誰是奇男子。若將杯酒比離情。深似大

明...哀水多君思我我思君那忍相逢手又分歸到
寧...花正發彩衣舞破東山雲

著困在天趣軒題扇用遣睡魔

老狂愛此摺疊扇用時便覺眼暗眩舒開一隻夜叉
手露出兩箇菩薩面夜叉倒摸血爛體上有幾行火
雷篆菩薩坐擁青蓮花火坑化作廣寒殿普天萬物
盡清涼南海赤龍亭不見回首西風捲地來鴈聲叫
落香雲片

葡萄

靜觀造化太奇巧世有此菜無此花乘槎老仙看西

海歸獻漢朝天子家香雲拖地濃如醉白露溥空洗

寒翠萬里秋聲不敢鳴蒼龍夜抱玄珠睡

題張奉祠張公藝同居圖

賢哉孝友張公藝兄弟同居九九世唐祚靈長三百
年正由此道相關係詩禮猶傳鄒魯風滿堂絃誦日
雍雍牛童馬僕尚怕雅鷄犬亦游和氣中帝問如何
處家事云胡應對傷於易只消義字家便齊滿紙何
勞書忍字嗚乎大義久不明是以兄弟多忿爭骨肉
相殘古今惡嫌疑皆自婦人生閨門異姓少貞泚耳
語喃喃猶鳩毒計產論財即訟官存亡誰念雙親辱

遺體原從一氣分世間惟有兄弟親庭前花落紫綃
死反眼看為陌路人却與他人結為友呼天指日盟
杯酒忽焉小有利害來縮首潛蹤踰垣走孤苦憐余
影與形鑄原妻被總有情靜言搔首慨薄俗仰止徒
歎公藝名千載遙遙見華胄大賓喜接同宗後天潢
路渺已登仙五子翩翩俱俊秀年少登窓盡讀書伯
兮早曳王門裾蓋非朝夕所能致積善之家慶有餘
乃思公藝不可作貌得衣冠儼如昨樽酒團圓對盃
圖怡怡共敘天倫樂老我披圖為賦詩孔懷聊備燕
歌時寄言陞馬薰香客好放瓊瑤玉珮辭

百馬圖

文皇六駿無遺藁俗畫紛紛能品少盃骨盃皮何足
言畫神始可言天巧高堂忽見百馬圖老眼模糊驚
欲倒行也好立也好渴者飲泉飢噬草前者驕馳後
者隨雖者長鳴賦者飽相嬉相並皆馴擾往來聚散
勢縱橫燦爛五花雲錦曉就中奇者號青驄曾與中
丞立戰功四蹄踏破祈連石萬里掃清胡海塵我為
中丞題此盃孫陽一顧千金價村器宜供十二閑世
間駑馬風斯下

駱太守牽仙慶壽圖

神仙中人太守公徽夫乃是懷德翁翁年六十慶初
度群仙飛落蓬萊宮六仙赤腳氣如虹小仙拍手顏
如童三仙霞彩照冠珮此會不與人間同歌瑤章擊
竹鼓黃鶴玉蟾相間舞蹇馱踏破壺中天白鹿青羊
自為伍五色鳳九尾龜丹藥滿瓢花滿枝蟠桃結實
紫芝熟正是畫堂歡慶時一慶翁之福二慶翁之祿
福祿頤如東海長萬古滔滔流不足三慶翁之壽節
彼南山同宇宙宇宙勲名永不磨南山不老翁依舊
群仙慶壽我題詩弟愧匆匆無好詞率爾咄咄夢中
語詩神苦被寤鬼欺為問文章賢太守明年還慶長
生否我當淨洗鐵肺肝石甕為池筆為筴醉後爛糜
五斗墨壽詩直掃三千首

典莊青範為荆門陰太守作

寰宇西南八千里峨眉倒控巴江水其間隱者陰先
生遊息聖賢規矩裡造道功夫在力行力行却在能
窮理雄吞爛嚼黃卷香顏閱膏肓周孔髓筆力橫扛
九鼎輕斥排佛老風斯靡我聞天下達尊三盛德兼
全誰可擬動靜常存謹厚心嚴如十手之所指載歌
載詠樂唐虞小視浮名猶敵蹤文翰樓高近五星文
場路坦容多士鄉人號之曰典莊學者稱之為孟子

孟子好辨闢邪說先生左言亦如此續編理學會淵
源豈是尋章摘句耳嫁娶論財世俗衰只從簡易修
婚禮慎終有錄祭有儀字字推明孝經旨廷訓諄諄
化育深鳳雛早逐朝陽起杏園繞舞看花旗又叶三
刀夢中喜毀戒淫祠禁異端治民有要先脩己書來
戒以勿怠荒勿誦勿驕勿太侈勿誚慵慵做好官為
臣但盡忠而已醇儒氣象自光明竊祿假儒當愧死
濂洛關閩不可見得見典莊斯可矣煥乎宗伯傳其
詳我為先生作詩史

榮壽堂為傅長史作

蓬頭醉臥節簷底夢見周公講周禮剝剝啄啄叩門
蔡兩眼朦朧忽驚而起開門問客何處來傅先生家索
詩耳先生高築榮壽堂賞董當時安得此大拍手喚
童子爛磨墨快伸紙乘興一走中山毫聊寫其情而
已矣先為榮五花官誥書姓名四品夫人受封拜歡
聲振動襄陽城次寫壽萱艸花香送春酒人生七十
自古稀今歲夫人七十九東家母號咷哭身上無衣
口無粥夫人榮兮彼何辱西家母亡太早女未及笄
兒又小夫人壽兮彼何夭或云萬物皆數定或云事
有幸不幸我道造化不如斯積善之家有餘慶

送袁佐杜淡張激三舉子

男兒兩眼爛如電仰視青雲三萬丈走入蟾宮折桂
技此身便在青雲上明春得意玉皇揮斧簇香風擁
仙仗六經籀裏有甘露來蘇莫引空生望

范增墓

鴻門高會智士憂殺氣黯淡黃鹿浮亞夫計定三舉
玦重瞳睥睨輕其謀玉斗筵前聲未畢平生骨鯁成
仇讐垓下悲風漢兵合英雄遺恨黃河流君不見二
齊已死淮南戮李布雍齒咸足羞英雄失義社更主
城南坏土垂千秋

宋玉池

仲尼洙泗源頭水千古洗清詞賦隨君不見化雨入
人深一瓢樂在其中矣

楊白花

楊白花別來久一杯空負花前酒東風吹去落誰家
江北江南重回首楊白花今在否春色無情燕無偶
水遠山長歸不歸離魂化作臨岐柳

四皓奕棋圖

夏黃公是崔少通東園公是唐宣明崔氏譜及陳留

志二書各載其姓名角里先生綺里季史傳寥寥無
姓字當時同隱入高山今日披圖想高致山中事事
皆可嬉何獨愛此松下棋所以愛棋有深意世間俗
客安能知秦吞六國大局面披闔縱橫凡幾變誤中
驚飛博浪沙坑灰偶語相攻戰到頭贏得鮑魚腥三
百六十奇正兵十九路迷空指鹿沐侯隆準傍觀清
白為漢兮黑為楚兩勢英雄氣如虎別墅區區奚足
賭爭先要奪關中土坎下重圍柰若何運籌敲出楚人
歌技窮方悔鴻門玦泣別虞姬成爛柯陰陵只在東
南角僅與烏江同一握敵手原非呂馬通艤舟亭長
收殘着末路休嫌落子遲從容還解漢儲危眼前尺
許消閑地看盡興亡千古悲太息後來真隱少終南
少室虛聲好商巖回首白雲深春雨秋風紫芝老

金花灘

鼙鼓聲乾六丁走蘭膏不入敵人手鐵船化作藍珠
宮水底金蓮爛如斗生死無慙女丈夫真魂怒作蛟
龍吼贈與湘妃一江酒為洗高唐夢中醜

一路功名為陳國賓題

老仙作畫我題詩詩畫要為天下奇一路功名盡年
少幾人能到白頭時國賓早入神仙會世上功名等

蟬蛻心醉吾儒萬卷書
黑頭享福三千歲

鞭屍灘

吳兵西來楚陵洪
包胥哭盡秦庭血
無忌之諛首可
裹伍奢之寃死
可雪平王之屍
苦可鞭子胥之目
亦可挾父兄之讐
固當復君臣之義
安可缺灘頭遺恨
幾時休
灘水不流遺恨歇

五七言古風

未慕堂

高扁未慕堂大書
未慕記玉皇譜中
唐國仙我為題
詩申此意招智白
呼陶泓役陳在
驅管城四子見我

畫然笑笑我潦倒
吟不成爛飲五斗
鈞詩洒洒酣吐
出風騷聲老仙
聞聲味苦恨入肺
腑聽焉慕其音視
焉慕其形坐慕如
在牆食慕如在羹
既沾春雨零忽
獲秋霜清日沒
沒還升月虧虧
復盈光陰有代謝
所慕無變更一掬
心上血溢為幾淚
傾此泪可以貫金
石通神明東流
滄海海亦驚乃是
世間人于之至情
我獨吟得兩箇字
聖賢之道孝

與識願言未慕慕千歲偉哉萬古流芳名

陶弘景

隱居愛雲山嘉
遯事高尚雲外
之神仙山中之
宰相山光雲影
兩徘徊隔斷紅
塵三萬丈正是
閑情獨坐

時白雲飛在青山上

嚴陵

釣臺一絲風桐江千天水二十八元功輕如釣上餌
太史何勞問客星帝與故人同卧耳云胡一夜話平
生不及周南風化始

莊子

老莊與蒙惠勘破死生境流水本無心萬物盡萍梗
玄玄之教不可窮且看區區畫中景明月空懸白上
鉤銀河倒掛青天影

遠公

不愛廬山高但愛遠公好元亮幽不靜脩白蓮杜三老
一庭風靜暮雲深萬丈天空孤月小等閑行過虎溪
橋古往今來笑不了

挽袁進士母

天上白雲空自白堂上萱花已摧折夜半陰風吹雨
來散作孤兒眼中血泰山高有時裂滄海深有時竭
獨有夫人之令德可以正閨門而勵風節萬古流芳
無盡絕嗚呼不知誰是蔡中郎好為夫人寫碑碣

金鷄塚

塚上金鷄叫塘中金蓮生當時樵與牧忽見走且驚

無乃艸木恠抑爾土石精事有不可曉理或莫能明
作詩姑紀異畱待識者評

行路語

北人快騎馬南人快使舡馬蹶太行上舟覆瞿塘前
爭如山翁暖土炕不怕高山與風浪

白菜圖

我愛菜我愛菜傲珍羞欺鼎鼐多食也無妨少食也
無害古之聖賢皆從這裏過所以造得熟境界西山
徽也在商山芝也在四皓與夷齊有菜不肯賣顏子
居陋巷孔子厄陳蔡飲水與絕糧無菜也自耐侯門

安敢笑寒酸中有經天緯地大氣聚菜之味兮烏可
輕天下之事皆可行士知此味學業成農知此味倉
廩盈工知此味技藝精商知此味貨利增但與人人
知此味莫教此色到蒼生

送許先生赴春闈

許先生今日行揚鞭策馬趨

帝京匆匆執袂便分手我欲吟詩吟不成酌酒歌渭
城聊以盡交情先生豈不知師道尊化雨清但曾蟠
萬卷無放處去換黃金榜上名龍門直上三千丈脚
底春雷響一聲響一聲四海驚是乃進身之所崇未

可以此為滿盈別有世間大事業家齊國治天下平
丈夫之氣節學問之精英勗之哉許先生

忠孝堂

人為萬物靈心具五常理力行當何先自吾忠孝始
周公之所以為臣曾參之所以為子六經大要豈多
言希聖希賢本諸此夫婦長幼朋友間在舉措之而
已矣至於在天為日月星辰之光在地為山川草木
之美天地且不違况於鬼神耳

賀林大叅生子

世間湯餅客每寫弄璋書不尔則添丁不尔則克閭
不尔則英物不尔則名駒或云石麟兒或云丹鳳雛
或云藍田玉或云滄海珠前人書此已爛熟後人之
書那可續林君喜氣滿門庭但寫俚言三致祝一祝
曰多壽二祝曰多福三祝早讀聖賢書少年便享千
鍾祿敢以漢水為之酒岷山為之肉楚雲為之席湘
月為之燭黃鶴之樓為矮屋我勸林君大嚼痛飲懽
復懽樓下江聲以為曲酣歌驚落孤矢星陸地蓮花
香萬斛

駱太守松

人言畫松難我道畫松易人皆愛畫形我獨愛畫意

人愛松枝卷曲若老虬翠鬣奴挾風颼颼六月挽回
天地秋又愛松根盤錯若瘦鐵太阿龍泉土中蟄雨
洗苔痕流碧血松實可以餌陸地神仙常不死松花
可為酒一吸甕頭春五斗更愛巢松鶴踏破松頂雲
此固衆所愛而我輕如塵欲知我之所愛者世上畫
師安敢寫等閒說破笑倒人歲寒然後知松栢之後
彫也

寒山拾得圖

寒山一把竹掃帚古往今來不離手天上浮雲日日
行世間塵土年年有三生我是閻丘公說與豐干笑
破口不如丟了此件物得箇自由自在走

倪文王母壽

紈扇不禁秋意思涼風吹落梧桐翠此時倪母初度
辰閩海有書無鴈寄子在

皇都作地官南望飛雲心欲碎悠悠母子各天涯我
為彝倫題二字壽字方能享福祿孝字方能盡忠義
是乃大丈夫第一等事口體之養何足計子願揚名
於後世九遷早至公鄉位母願一百二十歲屢沐
恩封花底醉前日曾吟慶壽篇自慙潦倒今忘記匆
匆揮筆補其闕句不清新良可愧明年手摘星斗來

五色鸞鳳紀人瑞

天開圖畫

地擁小蓬萊天開自然画仙翁乘興豁濶瞳看盡四
時之造化蒼翠看秋冬綠紅看春夏雪月與風花不
知多少價橫批豎歷三百尺只是等閑無處掛掛在
樓閣也不收暑徃寒來也不愁神也不敢借鬼也不
敢偷仙翁晉作釣詩釣釣出幾句奇奇恠恠語嚇得
南陽山點頭山點頭石張口滿勸仙翁一杯酒画中
景物皆回首馬遠王維吐舌走我欲織作雲錦裳愧
無兩隻經綸手

其慶堂

馬禮天秩持是軸謁予予展視之其慶圖也索詩於
我以求其傳然禮之父子謙齋卿邦善士與予交情
契氣洽誼在允行今年八十五矣禮之母亦八十有
一偕老康強禮有孝行得父母歡心弟義克家諸孫
滿前人生至樂古今蓋不多得此圖之所由作也噫
予幸少年得美官未三十而父故四十而母故終天
之恨臨圖尚忍言邪因漫賦鄙詞歸之禮稱壽時歌
以侑尊俾為人子者聞之天理至情未必不為之感
動庶有以敦民彝而補教化焉

父在堂母在堂童顏鶴髮皆康強堂前孝子馬天秩
引頰諸孫獻壽觴獻壽觴促簫鼓兩袖春風綵衣舞
母兮今年八十三父兮今年八十五此樂世間難更
難屈指聊從靜中數東家親存子不存西家子孝親
歸土幸有親存子孝家奉養艱辛却貧苦君不見覽
鏡路承隨履霜尹伯奇鮑永出其妻郭巨埋其兒曾
子不忍食羊棗泉魚風木終天悲人生具慶古今少
願爾馬君當自思去日莫可追來日尚未遲入事貴
愉色出遊莫速離匪徒愛日還愛時行看齊登百歲
期老我愧無黃絹詞詠歌載補于民藝但將具慶圖

中意爲作黎陽茅子詩

慶王希古八十

先生慶八十自與常人異錦軸照華筵新詩寫高致
時我謫湖南詩筒誰可寄去年我歸來先生八十二
今年八十三明年八十四我欲續其貂不覺酒已醉
信口吟無好句信手書無好字雖然辭語不驚人却
有一段好意思先生之子王朝宗處世治家真偉器
五孫濟濟皆英豪伯也名詠知禮義仲也漆中鄉試
季也洵任給事瀾也幹盤濟明經德星聚作槐堂瑞
但願先生只活一百二十歲雲仍進至公卿位萬卷

言窩雙鑲第堂堂俯仰心無愧

題刑掌教泮芹香遠齋

泮之芹也其氣清其德馨可以配太矣陶六經香之
從來也壇杏鍾其靈一月桂揚其積香然而無形寂然
而無聲彭澤之菊何足道濂溪之蓮為之驚披圖三
復會信公但覺九竅通神明采采樂多士盡為公與
卿上以格
君心下以達民情四夷之外皆文明萬世之下皆太
平遠矣哉比香也味不在於芹而在吾先生

送友人韓先生

快磨墨快醜酒洗我胸中推四星斗光芒直向筆端走
放開談天口伸出擎雲手飲一壺吟百首送我平生
知己友知己友韓先生四十年前好弟兄咀嚼六經
髓吞吐萬化精丈夫之交在道義豈是世間兒女情
儒者所學貴力行魏冠爭似舉比清悠悠蹤跡真無
定聚散真如水上萍我愧保身遜先生見幾早飽諳
榮辱與昇沉今日相逢談不了故人能幾何少壯容
易老勘破夢覺閑功名皆泮泮夜深翦畫燭花紅醉
眼模糊山月小

題袁愈憲父號知歸

先生號知歸隱君以求志陶潛范蠡皆自宦海未誤
認知歸兩箇字吾儒別有一重關乃是聖賢歸宿地
譬猶射者之於的百三之於肆不然雖讀萬卷書抑
何益於事英名化作星斗寒黃壤難埋浩然氣令嗣
登科拜好官 恩波似酒松揪醉嗚呼世路漫漫兮
不歸乎名即歸乎利老成彫謝兮吾誰與歸痛哭斯
文兮非兒女子之淚

送友人馬子謙壽八十

馬子謙舊知己累世通家共閭里少時相狎復相親
遊遍黎陽好山水子謙大隱市壘中我以詞章取青

紫東奔西走四十年始得言歸問桑梓朱顏綠髮那
可長白髮相看猶夢裡我今行年六十餘子謙今年
八十矣人生百歲能幾何有酒不飲醒何取放懷一
飲三百榼爛醉春風扶不起醒來喚奚童拂拭烏皮
几快磨墨快伸紙我為子謙書二喜第一喜有賢子
仲也義伯也禮濟濟羊神孫更美第二喜壽如此俯
仰無慚天地間但願再添三十紀詞雖鄙俚事却真
番與吾鄉作詩史

挽麻城李方伯

麻城李方伯是我知己友望甲耿耿絕點塵滿貯文

章七八斗經也。有史也。有詩詞歌賦之淵藪。紛紜案牘。若牛毛。決斷人稱霹靂手。倦鳥投林。歸去來功名。盡付三杯酒。老終含笑入重泉。更無遺恨於身後。衆吟哀此幾千篇。我獨喜歡吟一首。子能善繼而善述。寬厚詳明練達久。孫乃獨立而敢言。宋之石介如斯。否繩繩接武宴瓊林。二世奇才傳不朽。

送尹文英赴京

尹文英赴京去。樽酒留連番不住。任山山下衛溪邊。正是親朋送行處。送行處。衛溪邊。笑擁瓊林宴上仙。西風搥鼓浪花沸。兩岸紅旗簇画船。我也不學李太

白興來十酒詩百篇。我也不學秦少游。揮毫滿帋如雲烟。匆匆聊馬贈言意。儒者要當知所先。六經之言雖浩瀚。喫緊功夫容易幹。政事文學四字中。驚天動地要人看。文章豈在尚浮華。訓誥之詞大條貫。政事豈在重威刑。春秋之法大公案。毋不敬與思無邪。此又修身第一段。好言見矩自寬平。小惠私恩何足美。他日作霖雨。為福星。佐九重。聖主安四海。蒼生著旂常。之偉績。垂宇宙之芳名。吁嗟乎。丈夫之志畢矣。庶爾表屬望之情。

自述

人皆不識字我筆如揮戈人皆不會說我口如懸河
不識字者陸上客不會說者黃金多造物使人乃如
此有酒不飲將如

五言排律

奉賀天官尹公是日宿西朝房韻

序屬朱明候堪憂畏景煎炎埃彌序載大火熾等園
人事多憎劇衣纓若厭纏遣懷非擇地清署願回天
僑館喧尋屏朝房靜歇便每忻依禁闥何必出郊廵
幽雅侔琳宇深嚴遠市塵樓張簾幙淨屏映畫圖鮮
堆案盈緗帙窺門絕貨泉奚童趨應熱候吏伺承專
松柏梅簷外葵榴照檻前門窓清氣逼入座好風偏
觴詠從蕭散琴書任轉旋師心游聖域舉首切台躔
紫極尊天表紅雲捧日邊忠貞恒自許煩煥頊忘牽

漸覺駒陰速，遙駕暮靄連。燕頤終不倦，默省欲無眠。
戒慎存惺惕，寅清肯醉顛。愛涼舒細葦，惡暖撤重氈。
寶鴨飄香遠，銀蟬弄彩妍。分茶嘗玉茗，賜燭爇金蓮。
螢度庭流燭，蝸行砌篆涎。奢華潭謝却，儉什每崇旃。
空寂非希佛，逍遙豈慕仙。羣書探奧突，六籍嗽微玄。
衆議思精辯，蒼生念解懸。不占靈報鵠，焉用識聞鶻。
人定天如水，身安夜似年。九門聽漏下，一榻樂神全。
好夢諧真適，閒情靡變遷。枕肱殊孔聖，隱几異軻賢。
不作飄飄者，寧為栩栩然。晨興期在早，睡覺候無愆。
冷別懷縣鑑，低昂想達權。笏書辭令謹，服綈玉聲延。
固寵羞謏悅，阿迎怒乞憐。論功當避後，直諫擬當先。
要使蟠根拔，長令漏網填。百工崇吏治，六典重官聯。
已得輿情合，方從玉陛宣。火城分曉氣，金殿罩祥烟。
門仰震龍闕，山瞻萬歲巔。鷄人催曙發，仙仗向花穿。
奏對彤廷響，班分御道便。蠻夷齊拜跽，樂舞肅聯絲。
聖主頒綸命，天厨設綺筵。承恩傳賜扇，解愠喜聞絃。
遭遇真非偶，明良信有緣。散朝聯紫綬，歸路據花鞦。
傳導鳴騶盛，迎風擁蓋員。自公裁庶政，退食賦雄篇。
素飽時觀漸，重剛久玩乾。中流知砥柱，野木匪橫船。
貯廩無遺粟，資生有薄田。冰霜心不改，鐵石操尤堅。

麟鳳清時見鷓鴣碧漢騫藍梅調大鼎舟楫濟長川
輔世功弘化敷民德永肩屢推優仕較不著養生鞭
浩瀚才傾峽彌綸筆舉掾量容漏鉅海味澹訝枯禪
端望調元重盜客乞老還光前繁制誥不後富文箋
最是書香藹弓爽喜有傳

梅貞女

貞女始通媒未與夫相接夫死不嫁入閨門守貞潔
太山雖云高山高有時裂滄海雖云深海深有時竭
不如貞女一寸心二灰兩滴眼中血血亦不能為之
盡灰亦不能為之熱灰願化為石血願化為鐵鑄鐵

或膏砧磨石作碑碣千古名香魂亦香天長地久應
難滅嗚呼我題貞女詩食祿充當礪名節

七言排律

諸暨隱君子陳廷美作東野草堂駱太守繪為
圖古黎陽老越賦此長律如左

早歲優游君子鄉晚營東野獨徜徉試看泌浦湖邊
屋便似浣花溪上房厚覆三重茅當瓦密編四面竹
為牆窓雖小巧能容月門却高明好向陽燒笋不宜
茶減皂研朱未許筆登床靜聽語燕因誰鬧問問流
鶯著甚忙山色捲簾空翠滴春光滿沈落紅香飽供
睡課爐烟細清助談鋒塵柄長苔逕有雲隨杖履石
橋無路濕衣裳汗牛富貴書千卷芻狗功名紙半張

園圃雨動頻剪韭陂塘水煖漸分秧摘來星斗還詩
債叱起風雷送酒狂世事幾時愁得了人生終日醉
何妨知心永仲兼羊仲繼志元方與季方自古幽居
曾似畫于今真隱定流芳五侯寧館消磨盡聊托斯
文咏草堂

東軒

脩脩清氣滿蓬壺世上塵囂半點無
斗石臨華蓋近南山左挹翠屏孤
窓溼宿雨雲猶濕簾捲西山日
已曛張老再陳新頌禱子由重
換舊規模玉爐試火燒龍腦錦
帳圍春看鼠姑瑪瑙杯深斟琥
珀玻璃瓶

矮注珊瑚飯蒸香雪長腰米繪斫
瓊羞三白鱸楚客謾誇神女賦
奉娥應似美人圖分開舞袖恐
兩枝柳撒下歌喉一串珠秉燭
藏鈎爭勝負催花擊鼓恣懽呼
醉來却笑揚公鶴醒後還吟杜
甫烏丸灑正鋒追魏晉九穉妙
算敵孫吳離鸞誰解聽焦尾斬
馬何須問湛盧志孝要當知所
以文章原不在之乎禮門好接
真儒者義路寧容淺丈夫為善
生平心最樂高風千載可同符

賀安成王光表先生六十壽詩

子與時吾郡南樂升以治最適有簪筆之選

東山絲竹沸賓筵嘉遊悠悠六十年進德已當知命
後辨毛猶在古稀前西江共喜耆英會南樂遙陳慶
壽篇吹落曉風楊柳月洗清涼雨桂花天烟橫沉水
噴金獸香滿流霞泛玉船碧藕登盤初嚼脆紫鱗出
網旋烹鮮投壺小試經綸手舉觴聊申賞罰拳有了
近聞為御史無官都說似神仙半生浩氣輕千乘一
日閒情直萬錢筆底織成皆蜀錦舌端耕到即莘田
鄉評舊重林和靖野史新添魯仲連却恐
恩封辭不得龍光驚破石牛泉

余士英都憲西湖遊別

西湖湖上醉春風湖山景分明在畫中一掉水雲浮暖
綠六橋花雨濕香紅當時忠義人何在此日英雄思
不窮撫劔謾勞悲武穆讀書直欲繼蘇公身如有病
憂民瘼名為無私達

帝聰方伯才長堪倚重憲臺

官好故優崇籌邊恥學雕虫技破虜期收汗馬功每
遇盤根知利器共驚高鳥避良弓青蟠隱豹南山小
氣奪潛龍北海空王事敢辭行役苦親闈常遣夢魂
通離筵把酒情難盡勝境題詩語自工宰相未曾調
玉燭鬼神先已著如籠芳聲定擬乘今古清節還應
慎始終異地與君俱是客同年差我漸成翁三閭茅

卷之二
屋作山下二頃荒田衛水東碌碌却慚歸計晚摩挲
老眼着冥鴻



